

Bosna i Hercegovina
Federacija Bosne i Hercegovine
TUZLANSKI KANTON
MINISTARSTVO UNUTRAŠNJIH POSLOVA
T U Z L A

IZVJEŠTAJ O RADU
MINISTARSTVA UNUTRAŠNJIH POSLOVA
TUZLANSKOG KANTONA

za 2007. godinu

Tuzla, januar 2008. godine

IZVJEŠTAJ O RADU

MINISTARSTVA UNUTRAŠNJIH POSLOVA TUZLANSKOG KANTONA

za 2007. godinu

Izveštaj o radu Ministarstva unutrašnjih poslova Tuzlanskog kantona u 2007. godini obuhvata relevantne pokazatelje po pojedinim bezbjednosnim oblastima iz djelokruga Ministarstva unutrašnjih poslova Tuzlanskog kantona (stanje kriminaliteta, javnog reda i mira, bezbjednosti saobraćaja, bezbjednost povratničke populacije, saradnja sa drugim agencijama za provođenje zakona na svim nivoima vlasti i međunarodnim policijskim snagama, zakonitost u radu policije i dr.) kao i mjere i aktivnosti koje su preduzimale organizacione jedinice ovog Ministarstva u cilju realizacije planiranih ali i drugih poslova i zadataka, koji su utvrđeni Programom rada Ministarstva za 2007. godinu, a isti su izvršavani u skladu sa zakonskom i podzakonskom regulativom iz oblasti unutrašnjih poslova, te zaključcima i odlukama Skupštine i Vlade Tuzlanskog Kantona, nastojeći da se kroz što potpuniju implementaciju međunarodnih policijskih standarda u oblasti sprovođenja zakona, poštivanja ljudskih prava i dostojanstva svakog građanina, ostvari što viši nivo ukupne bezbjednosti građana na području ovog Kantona.

KRIMINALITET

Stanje kriminaliteta na području Tuzlanskog kantona, u toku 2007.godine, u odnosu na 2006.godinu, s aspekta brojnosti krivičnih djela, karakteriše smanjenje za 153 krivična djela ili za 3,6%. Naime, u toku 2007.godine, od strane organizacionih jedinica Ministarstva unutrašnjih poslova Tuzlanskog kantona nadležnim tužilaštvima podnešeno je 3.717 izvještaja o izvršenju krivičnog djela, protiv 4.607 učinioaca. U odnosu na 2006. godinu broj podnešenih izvještaja nadležnim tužilaštvima je manji za 111 ili 2,9%, dok je broj prijavljenih učinilaca manji za 429 ili 8,5%. Kantonalnom tužilaštvu podnešeno je 3.698, dok je 19 izvještaja o učinjenim krivičnim djelima podnešeno drugim tužilaštvima.

Tabela 1. Osnovni uporedni pokazatelji stanja kriminaliteta za 2007./2006.godinu

	Broj podnešenih izvještaja tužilaštvima	Ukupan broj krivičnih djela	Ukupan broj prijavljenih učinilaca	Broj kriv. djela po poznatom učiniocu	Broj kriv. djela po nepoznatom učiniocu	Broj naknadno rasvijetljenih KD-a prijavljenih po NN učiniocu	Procenat rasvijetljenosti krivičnih djela po NN učiniocu	Ukupan broj rasvijetljenih krivičnih djela	Procenat ukupne rasvijetljenosti	Broj krivičnih djela učinjen od strane maloljetnika	Broj učinilaca maloljetnika	Ukupna materijalna šteta (x 1.000 KM)
2006.g.	3828	4213	5036	1564	2649	1600	60,40	3164	75,10	619	1059	8060
2007.g.	3717	4060	4607	1739	2321	1405	60,53	3144	77,44	523	835	7684
Razlika	-111	-153	-429	175	-328	-195	0,13	-20	2,34	-96	-224	-376
Trend (%)	-2,9	-3,6	-8,5	11,2	-12,4	-12,2	0,2	-0,6	3,1	15,5	21,2	-4,7

Ukupan broj krivičnih djela koji je obuhvaćen podnešenim izvještajima je 4.060, što je za 153 krivična djela ili 3,6% manje u odnosu na prošlu godinu. Od ukupnog broja evidentiranih krivičnih djela, 19 krivičnih djela je prijavljeno po KZ BiH, 4.040 krivičnih djela po KZ FBiH i 1 krivično djelo po Zakonu o ravnopravnosti spolova. Broj krivičnih djela izvršenih od strane nepoznatog izvršioca je 2.321, što čini 57,2% od ukupnog broja krivičnih djela, dok je po poznatom izvršiocu evidentirano 1.739 krivičnih djela ili 42,8%. Operativnim radom, otkriveni su počinioци 1.405 krivičnih djela prethodno prijavljenih po nepoznatom izvršiocu. **Procenat otkrivenosti krivičnih djela prijavljenih po nepoznatom učiniocu iznosi 60,5%, dok je procenat ukupne rasvijetljenosti krivičnih djela 77,4%.**

Od ukupnog broja prijavljenih učinilaca, 835 su maloljetnici,¹⁾ 127 učinioca je sa područja drugog BH entiteta, a 18 su strani državljani. U odnosu na prošlu godinu broj prijavljenih maloljetnika je manji za 224, broj prijavljenih učinilaca sa područja drugog BH entiteta veći je za 46, dok je broj stranih državljana učinilaca krivičnih djela manji za 5. I dalje je prisutan veliki broj višestrukih učinilaca krivičnih djela, odnosno veliki broj povratnika u izvršenju krivičnih djela. Ukupna materijalna šteta nastala ovim krivičnim djelima iznosi oko 7,7 miliona KM, što je za oko 380.000 KM manje nego u 2006.godini.

Najveći broj izvršenih krivičnih djela odnosi se na oblast imovinskih delikata (63,7%) od ukupnog broja evidentiranih krivičnih djela, a objekti napada su poslovni, stambeni i pomoćni objekti, motorna vozila i dr. Iz ove oblasti, bilježi se porast krivičnih djela krađa za 81 krivično djelo ili 10,7%, oštećenja tuđe stvari za 19 krivičnih djela ili 8,4%, oduzimanja tuđe pokretnine za 7 krivičnih djela ili 70,0% i dr., dok je smanjen broj krivičnih djela teških krađa za 438 krivičnih djela ili 25,5%, razbojničkih krađa za 1 krivično djelo, razbojništava za 5 krivičnih djela ili 7,7%, utaja za 7 krivičnih djela ili 23,3%, prijevара za 27 krivičnih djela ili 37,0% i prikrivanja za 60 krivičnih djela ili 54,6%.

Ministarstvo unutrašnjih poslova Tuzlanskog kantona je aktivno uključeno u realizaciju poslova i zadataka po akciji "Krimolovac". U toku 2007.godine zaprimljeno je 97 anonimnih prijava i po istim je ovo Ministarstvo odmah preduzelo neophodne mjere i radnje na utvrđivanju osnovanosti, a zatim i na prikupljanju neophodnih dokaza o izvršenju prijavljenih i eventualno drugih krivičnih djela. Od ukupnog broja zaprimljenih anonimnih prijava od strane građana, za 10 slučajeva je utvrđeno da se radi o krivičnom djelu, za koje su prikupljeni neophodni dokazi i dostavljeni izvještaji nadležnim Tužilaštvima, a u 52 slučajeva su prijave, nakon preduzetih mjera i radnji i prikupljenih dokaza prosljeđene SIPA-i. Postupak utvrđivanja činjeničnog stanja je u toku za 35 anonimnih prijava.

STRUKTURA KRIVIČNIH DJELA PO KRIVIČNOM ZAKONU BIH

U toku 2007.godine, iz grupe krivičnih djela protiv čovječnosti i vrijednosti zaštićenih međunarodnim pravom evidentirana su 2 krivična djela i to:

- 1 krivično djelo trgovine ljudima (čl.186 KZ BiH), počinjeno od strane 3 lica i
- 1 krivično djelo krijumčarenje osoba (čl.189 KZ BiH), počinjeno od strane 1 lica.

Iz grupe krivičnih djela protiv privrede i jedinstva tržišta i krivičnih djela iz oblasti carina (Glava XVIII KZ BiH), evidentirano je 16 krivičnih djela i to svih 16 krivičnih djela krivotvorenje novca (čl.205 KZ BiH), počinjenih od strane 14 lica, od kojih su 3 povratnika u vršenju krivičnih djela. Protiv 2 lica je određena mjera pritvora. U odnosu na isti period prošle godine broj ovih krivičnih djela je manji za 10 ili 38,5%.

Evidentirano je i jedno krivično djelo iz grupe krivičnih djela Dogovor, pripremanje, udruživanje i organizirani kriminal (Glava XXII KZ BiH) i to po čl.250. (organizirani kriminal), učinjeno od strane 3 lica.

¹ Tuzla-357, Lukavac-104, Gradačac-100, Srebrenik-63, Gračanica-57, Živinice-55, Kalesija-46, Banovići-20, Kladanj-13, MUP sjed.-9, Teočak-5, Sapna-4 i Doboj Istok-2.

STRUKTURA KRIVIČNIH DJELA PO KZ FBIH

Tabela 2. Struktura krivičnih djela po KZ FBIH

GODINA		2006.g.	2007.g.	razlika	razlika (%)
KZ FBIH					
Glava XV	KD protiv ustavnog poretka federacije	2	2	0	0,00
Glava XVI	KD protiv života i tijela	333	407	74	22,2
Glava XVII	KD protiv slobode i prava građana	27	31	4	14,8
Glava XVIII	KD protiv terorizma				
Glava XIX	KD protiv spolne sl. i morala	17	32	15	88,2
Glava XX	KD protiv braka, porodice i mladeži	97	132	35	36,1
Glava XXI	KD protiv zdravlja ljudi	160	197	37	23,1
Glava XXII	KD protiv privrede, poslovanja i sigurnosti platnog prometa	12	6	-6	-50,0
Glava XXIII	KD protiv poreza				
Glava XXIV	KD protiv radnih odnosa		1	1	
Glava XXV	KD protiv imovine	3019	2588	-431	-14,3
Glava XXVI	KD protiv okoliša, poljoprivrede i prirodnih dobara	29	22	-7	-24,1
Glava XXVII	KD protiv opće sig. ljudi i imovine	45	62	17	37,8
Glava XXVIII	KD protiv sigurnosti javnog prometa	178	278	100	56,2
Glava XXIX	KD protiv pravosuđa	9	12	3	3,3
Glava XXX	KD protiv javnog reda i pravnog prometa	229	247	18	7,9
Glava XXXI	KD protiv podmićivanja i KD protiv službene i druge odgovorne funkcije	20	23	3	15,0
Glava XXXII	KD protiv oružanih snaga FBiH	2		-2	-100,0
	Ostala KD prema KZ FBiH	3	1	-2	-66,7
	KD iz KZ BiH	31	19	-12	-38,7
UKUPNO		4213	4060	-153	-3,6

Tabela 3. Pregled karakterističnih KD-a po KZ FBiH za 2007./2006.

Član KZ FBiH	KRIVIČNO DJELO	2006.	2007.	razlika	Trend (%)
166	Ubistvo	11	7	-4	-36,36
166(28)	Pokušaj ubistva	12	15	3	25,00
172	Teška tjelesna ozljeda	109	103	-6	-5,50
180	Otmica	2		-2	
203	Silovanje	8	8	0	0,00
203(28)	Silovanje u pokušaju	1	1	0	0,00
210	Navideenje na prostituciju	1	6	5	500,00
238	Neovl. proizv. i stav. u prom. Op. droga	51	66	15	29,41
239	Posjedovanje i omog. uživanje opojn. rdoga	109	131	22	20,18
247	Zloupotreba ovlasti u privr. poslovanju	1	0	-1	-100,00
205 KZ BiH	Krivotvorenje novca	23	16	-10	-38,46
273.	Porezna utaja	0		0	
287	Teška krađa	1718	1280	-438	-25,49
289	Razbojništvo	65	60	-5	-7,69
323	Izazivanje opće opasnosti	40	54	14	35,00
332	Ugrožavanje javnog prometa	44	73	29	65,19
336	Teška KD-a protiv sigurnosti javnog prometa	116	189	73	62,93
359	Napad na služb.osobu u vrš. poslova sigurnosti	8	19	11	137,50
362	Nasilničko ponašanje	100	122	22	22,00
371	Nedozvoljeno držanje oružja ili ekspl. materija	15	16	1	6,67
373	Krivotvorenje isprave	72	54	-18	-25,00
383	Zloupotreba položaja ili ovlašćenja	9	11	2	22,22
384	Pronevjera u službi	1	5	4	400,00
387	Nesavjestan rad u službi	2	2	0	0,00

KRVNI DELIKTI

U toku 2007. godine, na području TK-a iz grupe krivičnih djela protiv života i tijela evidentirano je 407 krivičnih djela, od čega 360 po poznatom, a 47 po nepoznatom izvršiocu.²⁾

U odnosu na isti period 2006. godine, broj krivičnih djela iz ove grupe **veći** je za 74 krivična djela ili 22,2%. Ukupan broj prijavljenih lica je 528, od kojih je 41 maloljetnik, a 132 lica su povratnici u vršenju krivičnih djela. Tokom posmatranog perioda, evidentirana su slijedeća krivična djela iz ove oblasti:

- 7 krivičnih djela ubistva (čl.166. KZ FBiH);

² Tuzla – 156, Gračanica – 68, Lukavac – 35, Kalesija – 31, Kladanj – 22, Gradačac –22, Živinice – 22, MUP u sj. – 22, Srebrenik – 10, Banovići – 10, Sapna – 6, Teočak – 2 i Doboj Istok - 1 krivično djelo.

Karakteristično je da su u 5 krivičnih djela ubistva žrtve bile žene, od kojih su 3 supruge počinioca, i to: jedna žrtva je bivša supruga počinioca krivičnog djela, ubijena pištoljem call. 7,65 mm, ispred Opštinskog suda, druga žrtva je zaklana nožem u svojoj porodičnoj kući; treća žrtva je podlegla od povreda zadobijenih u tuči u svojoj kući; četvrta žrtva je djevojka koju je iz pištolja ubio mladić u svojoj kući, a u petom slučaju se radi o osobi koja je podlegla od povreda nožem što se desilo na lokalnom putu.

Žrtve dva krivična djela, su muškarci, i to: poluautomatskim snajperom je u krivolovu ubijen jedan muškarac, a u drugom slučaju radi se o lišavanju života nožem koje je počinila supruga nad mužem poslije svađe.

Od ukupnog broja krivičnih djela, tri ubistva su počinjena vatrenim oružjem, tri nožem a jedno fizičkom snagom. Dva krivična djela počinjena su na području opštine Tuzla a po jedno krivično djelo po čl.166. KZ BiH počinjeno je na području opština Banovići, Čelić, Gračanica, Kladanj i Gradačac.

Pored navedenih krivičnih djela ubistva, dokumentovano je još:

- 15 krivičnih djela pokušaja ubistva (čl.166., a u vezi sa čl.28.), od strane 17 lica, od kojih su 6 povratnici u vršenju krivičnih djela.
- 103 krivična djela teška tjelesna ozljeda (čl.172. KZ FBiH); od kojih je najveći broj na području opštine Tuzla (43);
- 267 krivičnih djela lahke tjelesne povrede (čl.173. FBiH);³
- 15 krivičnih djela učestvovanje u tuči (čl.174. KZ FBiH); počinjenih od 36 lica, od kojih su 3 maloljetnika, a 5 je povratnika u vršenju krivičnih djela.

ORGANIZOVANI I PRIVREDNI KRIMINAL

Iz grupe krivičnih djela protiv privrede, poslovanja i sigurnosti platnog prometa u toku 2007. godine, evidentirano je 6 krivičnih djela, što je za 6 krivičnih djela manje u odnosu na period 2006. godine, i to: 1 krivično djelo po čl.252. – sklapanje štetnog ugovora, 1 krivično djelo po čl.256. – krivotvorenje vrijedonosnih papira, 1 krivično djelo po čl.267. – nedozvoljena trgovina i 3 krivična djela po čl.268. – obmana pri dobijanju kredita ili drugih pogodnosti.

Iz grupe krivičnih djela protiv podmičivanja i krivičnih djela protiv službene i druge odgovorne funkcije evidentira su 23 krivična djela, što je za 3 krivična djela ili 15,0% više u odnosu na isti period prošle godine, i to: 11 krivičnih djela zloupotreba položaja ili ovlašćenja (čl.383. KZ FBiH), 5 krivičnih djela pronevjera u službi. (čl.384), 2 krivična djela posluga u službi (čl.386), 2 krivična djela nesavjestan rad u službi (čl.387.), 2 krivična djela krivotvorenje službene isprave (čl.389.) i 1 krivično djelo primanje dara i drugih oblika koristi (čl.380.).

Iz grupe krivičnih djela protiv javnog reda i pravnog prometa evidentirano je 247 krivičnih djela, što je za 18 krivična djela više u odnosu na isti period 2006. godine.

Izvršenjem navedenih krivičnih djela pričinjena je materijalna šteta u iznosu od oko 1.898.000,00 KM, što je za oko 2,5 puta više nego u istom periodu 2006.godine.

U saradnji sa Tužilaštvom BiH, SIPA-om, FMUP-om i drugim nadležnim agencijama za sprovođenje zakona, službenici ovog ministarstva radili su na prikupljanju operativnih saznanja vezanih za proizvodnju i stavljanje u promet krivotvorenih novčanica, stranog i domaćeg novca različitih apoena.

Pod sumnjom da se radi o falsifikatima, na području TK-a su oduzete 44 novčanice, i to u slijedećim apoenima: 10x200 Eura, 10x100 Eura, 6x50 Eura, 1x10Eura, 1x200 KM, 4x100 KM, 5x50 KM, 2x20 KM, 1x10 KM, 2x5 KM, 1x1KM, 1x100 USA \$. Broj pronađenih i privremeno

³ Tuzla - 104, Gračanica - 52, , Lukavac - 23, Gradačac – 20, Kalesija – 20, Kladanj – 19 Živinice – 15, itd....

oduzetih novčanica pod sumnjom da se radi o falsifikatu, u odnosu na isti period prethodne godine manji je za 59 komada novčanica ili 57,3%.

Nastavljene su i aktivnosti po zavedenim akcijama "Šume", "Tank", "Papirus", gdje je vršeno prikupljanje operativnih saznanja i razmjena informacija sa drugim organima i institucijama.

Uočeni su i novi vidovi kriminala koji su se u prethodnom periodu vrlo rijetko pojavljivali. Naime, radi se sve većem broju krivičnih djela iz oblasti tzv. kompjuterskog (ili elektronskog) kriminala, kao što su krađa i zloupotreba kreditnih kartica, kao i razni vidovi internet prevara. S obzirom da ovaj vid kriminala ima međunarodni karakter, uspostavljena je intenzivna saradnja sa Interpolom tako da je u toku obrada većeg broja slučajeva krađe kreditnih kartica (bijeke plastike) prijavljenih u inostranstvu i njihovog korištenja na bankomatima na području TK-a. Takođe, sve je veći broj prijave internet prevara, gdje se radi o nelegalnim „upadima“ na elektronske račune klijenata banaka i plaćanje sa tih računara razne robe naručene u zemlji i inostranstvu, koja se dostavljala putem „brze pošte“. I u ovom slučaju se radi o međunarodnom kriminalu, tako da je uspostavljena odgovarajuća saradnja sa policijom drugih zemalja u cilju rasvjetljavanja svih prijavljenih slučajeva i otkrivanja počinitelja. Na području TK-a je registrovana jedna grupa starijih maloljetnika kojim su se navedenim kriminalnim aktivnostima bavili preko internet klubova.

U posmatranom periodu ostvarena je i dobra saradnja sa Upravom za indirektno oporezivanje, Upravom za inspekcijeske poslove TK-a, te drugim agencijama za sprovođenje zakona, organima i organizacijama.

IMOVINSKI DELIKTI

Iz grupe krivičnih djela protiv imovine evidentirano je 2.588 krivičnih djela, što čini 63,7% od ukupnog broja krivičnih djela. U odnosu na prošlu godinu broj krivičnih djela iz ove oblasti je manji za 431 krivično djelo ili 14,3%. Od ukupnog broja krivičnih djela protiv imovine, 433 krivična djela su prijavljena po poznatom, a 2.155 krivičnih djela po nepoznatom izvršiocu. Naknadno je rasvijetljeno 1.295 krivičnih djela, koji su prethodno prijavljeni po nepoznatom učinocu. Procenat rasvijetljenosti krivičnih djela protiv imovine je 60,1%. Strani državljani su počinili 8 krivičnih djela, a 58 krivičnih djela je učinjeno od strane lica sa područja drugog BH entiteta. Ukupno je prijavljen 2.871 učinilac, od kojih je 724 povratnika u vršenju krivičnih djela. Slobode je lišeno 370 lica.

Tabela 4. Pregled strukture imovinskih delikata 2007/2006.godinu

	krađa	teška krađa	razbojnička krađa	razbojništvo	utaja	oduzimanje tuđe pokretne	protupravno zauzimanje nekretnina	oštećenje tuđe stvari	prijevarena	iznuda	prikriivanje	UKUPAN BROJ KD PROTIV IMOVINE
2006.godina	757	1718	6	65	30	10	0	225	73	6	110	3019
2007.godina	838	1280	5	60	23	17	0	244	46	7	50	2588
Razlika	81	-438	-1	-5	-7	7	0	19	-27	1	-60	-431
Trend (%)	10,7	-25,5	-16,7	-7,7	-23,3	70,0	0,0	8,4	-37,0	16,7	-54,6	-14,3

Najveći broj krivičnih djela iz oblasti imovine su teške krađe (čl. 287 KZ F BiH) – 1280, koje čine 31,5% ukupnog broja evidentiranih krivičnih djela u toku 2007.godine. U odnosu na prošlu godinu broj krivičnih djela teške krađe manji je za 438 krivičnih djela ili 25,5%.⁴⁾ Od ukupnog broja krivičnih djela teške krađe, 46 krivičnih djela je prijavljeno po poznatom, a 1.234 po nepoznatom izvršiocu. Naknadno su rasvijetljena 624 krivična djela prethodno prijavljena po nepoznatom učiniocu. Procenat rasvijetljenosti krivičnih djela teške krađe je 50,6%. Lica sa područja drugog BH entiteta su počinila 28 krivičnih djela teške krađe, a strani državljani 5 krivičnih djela. Ukupan broj prijavljenih učinilaca je 1.324. Broj povratnika u izvršenju ovih krivičnih djela je 335. Slobode je lišeno 173 lica.

Iz grupe imovinskih delikata, evidentirano je 838 krivičnih djela krađe (čl.286 KZ FBiH), od čega 126 po poznatom i 712 po nepoznatom izvršiocu. U odnosu na prošlu godinu evidentirano je povećanje broja krivičnih djela krađe za 81 ili 10,7%. Naknadno je rasvijetljeno 519 krivičnih djela krađe. Procenat rasvijetljenosti je 72,9%. Od 981 prijavljenog učinioca, 268 su povratnici u vršenju krivičnih djela.⁵⁾

Evidentirano je 5 krivičnih djela razbojničke krađe (čl.288. KZ FBiH), od čega 4 na području općine Tuzla i 1 na području općine Srebrenik.

U toku 2007.godine evidentirano je 60 krivičnih djela razbojništva (čl.289. KZ FBiH), što je za 5 krivičnih djela ili 7,7% manje u odnosu na prethodnu godinu.⁶⁾ Od ukupnog broja razbojništava, samo 7 je prijavljeno po poznatom izvršiocu, dok je po nepoznatom izvršiocu prijavljeno 53 slučaja razbojništva. Naknadno je rasvijetljeno 39 krivičnih djela prethodno prijavljenih po nepoznatom učiniocu tako da je procenat rasvijetljenosti ovih krivičnih djela izrazito visok i iznosi 73,6%. Prijavljeno je 89 učinioca, od kojih je 12 maloljetnika i 18 povratnika u vršenju krivičnih djela. Slobode je lišeno 26 lica.

Od navedenih krivičnih djela razbojništva, potrebno je izdvojiti 2 slučaja i to:

1. Dana 26.03.2007.godine, oko 13,30 sati, izvršeno je razbojništvo nad Novom Banjalučkom bankom-Filijala Tuzla, koja se nalazi u Tuzli, naselje Stupine B-4, od strane dvije naoružane NN muške osobe, kojom prilikom je otuđena metalna kasa u kojoj se nalazilo gotovog novca oko 10.000 KM, a službenik Zaštitarske agencije "Alarm Vest" je tom prilikom zadobio tjelesne povrede. Nakon izvršenog razbojništva NN lica su se udaljila sa putničkim motornim vozilom marke GOLF. Koordiniranom akcijom službenika MUP TK-a, navedeno vozilo je primijećeno od strane patrole policije PS Teočak i isto je pokušano zaustaviti, na što se vozač oglušio i nastavio vožnju u pravcu Bijeljine. Obaviješten je Operativni centar Bijeljina i sa gonjenjem vozila je nastavljeno, a prilikom sustizanja gonjenog vozila isto se zaustavilo, a jedno lice se dalo u bjekstvo i pri tome ispalilo dva hica u zrak. Ubrzo je lice sustignuto i lišeno slobode. Utvrđeno je da se radi o V.L. iz Bijeljine, rođen 1966.godine. Pronađen je odbačeni pištolj marke CZ, cal 7,62 sa 4 metka i odbačeni novac. Nakon kriminalističke obrade, navedeno lice je u potpunosti priznalo izvršenje krivičnog djela.

2. Dana 03.11.2007.godine, oko 08,20 sati, na području općine Tuzla, u naselju Mramor, od strane 4 maskirana lica, uz upotrebu automatskih pušaka, izvršeno je razbojništvo nad radnicima JP BH Pošte, prilikom čega je otuđeno više poštanskih vreća u kojima se nalazio gotovi novac u iznosu od oko 200.000 KM i jedan pištolj marke CZ-75B cal. 9 mm. Nakon izvršenog razbojništva učinioci su se udaljili sa dva putnička motorna vozila marke AUDI 80, u pravcu izlaza iz Mramora i naselju Dobrnja. Blokadom i pretresom terena, izvršenog od strane službenika Jedinice za podršku MUP TK-a, pronađen je i lišen slobode jedan od izvršilaca navedenog krivičnog djela. Kod istog je pronađena određena količina otuđenog novca, a daljim pretresom terena pronađena su 3 napuštena vozila, koja su korištena prilikom izvršenja krivičnog djela, a ista su otuđena na području Bijeljine, u periodu od 18.10.2007.godine do 01.11.2007. godine. Rad na otkrivanju ostalih učinioca navedenog krivičnog djela je u toku.

⁴ Teške krađe po org.jed. MUP-a TK-a: Tuzla – 570, Lukavac - 175, Srebrenik – 98, Gradačac - 89, Živinice – 85, Gračanica - 76, Kalesija – 67, Banovići - 54, Sapna-26, Kladanj-17, Teočak-9, Dobož Istok-8 i MUP sj. - 6 KD-a.

⁵ Najveći broj krivičnih djela krađe prijavljen je na području Tuzle (291 krivičnih djela), a zatim slijede: Živinice – 161, Srebrenik – 82, Gradačac – 67, Gračanica – 60, Lukavac - 55, Banovići - 48, Kalesija - 28, Kladanj – 19, Sapna - 12, Teočak – 9 i Dobož Istok – 6 krivičnih djela.

⁶ Najveći broj krivičnih djela razbojništva evidentiran je od strane PU Tuzla (33), zatim od strane MUP sjedište – 8, PS Lukavac-6, PS Živinice i PS Srebrenik po 4, PS Banovići i PS Kalesija po 2 i Gradačac-1 krivično djelo.

Pored navedenih, težih oblika krivičnih djela protiv imovine, evidentirana su i slijedeća krivična djela iz ove oblasti: 23 krivična djela utaje (čl.290. KZ FBiH), što je za 7 krivičnih djela ili 23,3% manje u odnosu na prošlu godinu; 17 krivičnih djela oduzimanje tuđe pokretne (čl.291. KZ FBiH); 244 krivična djela oštećenje tuđe stvari (čl.293. KZ FBiH), što je u odnosu na 2006. godinu više za 19 krivičnih djela ili 8,4%; 46 krivičnih djela prijevare (čl.294. KZ FBiH), što je u odnosu na prošlu godinu manje za 27 krivičnih djela; 7 krivičnih djela iznude (čl.295. KZ FBiH); 3 krivična djela ucjene (čl. 296 KZ FBiH); 1 krivično djelo prijevare povjeritelja (čl.299 KZ FBiH); 50 krivičnih djela prikrivanje (čl.300. KZ FBiH) i 14 krivičnih djela paljevine (čl. 301 KZ FBiH).

Na postojeće stanje u oblasti imovinskih delikata značajno utiče učešće velikog broja maloljetnika u izvršenju krivičnih djela u ovoj oblasti, gdje se određeni broj maloljetnih lica pojavljuju kao višestruki povratnici u izvršenju pomenutih krivičnih djela, a što je naročito izraženo na području općina Tuzla, Lukavac, Gradačac, Srebrenik, Kalesija, Gračanica i Živinice.

Tabela 5. Krivična djela protiv imovine (Glava XXV KZ F BiH) - po općinama TK

	Banovići	Doboj istok	Gračanica	Gradačac	Kalesija	Kladanj	Lukavac	Sapna	Srebrenik	Teočak	Tuzla	Živinice	MUP-sjedište	UKUPNO
2006.godina	120	41	221	196	95	41	339	48	215	10	1389	284	20	3019
2007.godina	127	19	171	206	116	45	275	45	217	21	1044	278	24	2588
RAZLIKA	7	-22	-50	10	21	4	-64	-3	2	11	-345	-6	4	-431
Trend(%)	5,8	-53,7	-22,6	5,1	22,1	9,8	-18,2	-6,3	0,9	110,0	-24,8	-2,1	20,0	-14,3

Otuđenja motornih vozila

Na području Tuzlanskog kantona u toku 2007.godine prijavljeno je 130 otuđenja motornih vozila i 24 pokušaja otuđenja motornih vozila.⁷⁾ U odnosu na isti period prošle godine broj otuđenja motornih vozila je smanjen za 34 ili 20,7%, dok je broj pokušaja otuđenja motornih vozila smanjen za 3 ili 11,1%.


Tabela 6. Otuđenja motornih vozila

	2007.god.	2006.god.	RAZLIKA	TREND %
Otuđeno motornih vozila	130	164	-34	-20,7
Pronađeno motornih vozila	55	35	20	57,1
Vraćeno uz nadoknadu	3	10	-7	-70,0
Vraćeno – ukupno	58	45	13	28,9
Procenat vraćenih vozila	44,62	27,44	17,18	62,6
Riješeno – otkriven izvršilac	19	12	7	58,3
Riješeno – otkriven izvršilac %	14,62	7,32	7,30	99,7
Broj pokušaja otuđenja	24	27	-3	-11,1


⁷⁾ Na području općine Tuzla otuđena su 64 motorna vozila, a zatim slijede: Lukavac-14, Živinice-13, Srebrenik-11, Gračanica i Gradačac po 8, Kalesija-5, Banovići i Doboj Istok po 3 i Čelić-1 motorno vozilo. Najveći broj otuđenih vozila je marke Golf-35, Audi-18, Pasat - 14, Mercedes-8, BMW, Ford i Opel po 6 i dr.

Od ukupnog broja otuđenih vozila, naknadno je pronađeno i vraćeno vlasnicima 55 motornih vozila ili 42,3%, a u 19 slučajeva otuđenja motornih vozila ili 14,6% otkriveni su učinioci. Vlasnici motornih vozila su od nepoznatih osoba otkupili svoja vozila u 3 slučaja.

Broj otuđenih motornih vozila po općinama
za period JANUAR-DECEMBAR 2007.godine



Broj otuđenih motornih vozila po mjesecima za 2007.godinu



NARKOMANIJA

Od strane ovog Ministarstva, u 2007. godini, po problematici narkomanije, nadležnim tužilaštvima je podnešeno 157 izvještaja o učinjenom krivičnom djelu, protiv 181 lica, zbog osnovane sumnje da su izvršili 197 krivičnih djela. Ukupan broj prijavljenih lica obuhvaćenih ovim izvještajima veći je za 36 u odnosu na isti period prošle godine. U odnosu na prošlu godinu, broj krivičnih djela protiv zdravlja ljudi je veći za 37 krivičnih djela ili 23,1%. Od ukupnog broja krivičnih djela, 66 je evidentirano po čl.238 (neovlašćena proizvodnja i stavljanje u promet opojnih droga), što je za 15 krivičnih djela ili 29,4% više u odnosu na isti period prošle godine; dok je 131 krivično djelo evidentirano po čl.239. (posjedovanje i omogućavanje uživanja opojnih droga), što je za 22 krivična djela ili 20,2% više u odnosu na isti period 2006. godine.

Tabela 7. Oduzete količine narkotičkih sredstva

Vrsta narkotičkih sredstava	2006. godine	2007. godine
Heroin (gr)	429,57	3098,977
Heroin u šprici (ml)	6,75	1,7
Kokain (gr)	0,700	3,260
Cannabis – Marihuana (gr)	320,472	6281,594
stabljika Cannabisa (kom)	59	94
tablete Ekstazy (kom)	4 kom	4083
Speed (gr)	1483,237	511,968
Heptanon (ml)	8 ml	
Amfetamin (ml)	0,200	43,283

U posmatranom periodu registrovana su 4 smrtna slučaja lica za koja postoje podaci da su bili ovisnici o narkotičkim sredstvima i to:

- 22.03.2007.g. u DZ Lukavac, u pratnji dežurnog odgajatelja, dovezen je mrtav štíćenik Centra za rehabilitaciju ovisnika o psihoaktivnim supstancama Smoluća. Nakon izvršenog spoljnog pregleda tijela i obdukcije od strane ovlaštenog vještaka, potvrđeno je da je smrt nastupila usljed sepse nastale kao posljedica zagađenja krvi pri ušpricavanju narkotičkih sredstava u ranijem periodu;
- u aprilu i maju 2007.g dva lica su nakon korištenja narkotičkih sredstava, bez znakova života dovezena na UKC Tuzla;
- u aprilu 2007.g. u napuštenom objektu željezničke stanice u Lukavcu pronađen je jedan leš lica za koje se sumnja da je bio korisnik narkotičkih sredstava;

Dana 18.03.2007.g. službenici Odjeljenja za posebne namjene MUP-a TK, su nakon operativnog saznanja izvršili legitimisanje i privođenje 3 lica, od kojih je jedno posjedovalo kesu sa većom količinom tableta. Prebrojavanjem i vještačenjem utvrđeno je da se radi o 4.082 komada tableta koje posjeduju psihoaktivne supstance opojne droge Extazy, dok 268 komada tableta u obliku srca ne posjeduju psihoaktivne supstance droge. Sva tri lica su, zbog osnovane sumnje da su počinili po jedno krivično djelo po čl.238. KZ FBiH–neovlašćena proizvodnja i stavljanje u promet opojnih droga, uz Izvještaj o krivičnom djelu predati KT Tuzla.

Koordiniranom akcijom službenika Odjeljenja za posebne namjene MUP-a TK i Tima za droge OKP PU Lukavac su 29.03.2007.g., oko 14,30 sati u Tuzli u RK Omega zbog osnovane sumnje da se bave preprodajom narkotičkih sredstava dva lica lišili slobode. Od istih je oduzeto 2.888,343 gr opojne droge Cannabis i 91,970 gr opojne droge Amphetamin. Prilikom pretresa stana jednog od lica, pronađano je i 214,017 gr opojne droge Cannabis i 350,546 gr opojne droge Amphetamin, kao i veća količina automatskih pušaka i eksplozivnih sredstava.

Akcijom službenika Odjeljenja za posebne namjene MUP-a TK, Jedinice za podršku MUP-a TK i PS Kladanj, u ugostiteljskom objektu "HOTEL" u Kladnju, prilikom primopredaje 1966,967 gr opojne droge "Heroin" 3 lica su lišena slobode, od kojih je jedno lice sa područja RS-a, te je protiv istih Tužilaštvu BiH Sarajevo, podnešen Izvještaj o učinjenom krivičnim djelu, zbog osnova sumnje da su isti djelujući kao ogranizovana grupa, iz Srbije u BiH dovezli navedenu količinu opojne droge, čime bi počinili krivično djelo Organizovanog kriminala po čl.250. st.2. i 3. KZ BiH, a u vezi sa čl. 195 KZ BiH – neovlašteni promet opojnih droga. S obzirom da su lica nastanjena u Sarajevu i Doboju, službenici policije FMUP-a i RS-a izvršili su pretresanje njihovih stanova i tom prilikom je u stanu koje koristi lice iz Sarajeva pronađeno oko 2 kg opojne droge Heroin i oko 500 komada tableta Ekstazy; dok su službenici CJB Doboju pronašli manju količinu opojne droge Marihuane i 32 komada Heptanona.

Dana 22.05.2007.g. na magistralnom putu Tuzla – Lopare – Bijeljina su u motornom vozilu u kojem su se nalazila dva lica, službenici Odjeljenja za posebne namjene, MUP-a TK u saradnji sa PS Srebrenik i Jedinicom za podršku MUP-a TK-a, pronašli 3517 komada tableta koje izgledom asociraju na opojnu drogu Ekstazy. Prilikom pretresanja porodične kuće jednog od lica pronađeno je još i 235 komada istih tableta, 263,02 gr opojne droge Cannabis, kao i

veća količina razne municije. Protiv istih podnešen je Izvještaj o učinjenom krivičnom djelu, a za oba lica je od strane nadležnog tužilaštva određena mjera pritvora.

Na području opštine Doboj Istok, izvršeno je uništavanje zasada stabljike indijske konoplje. Prilikom pretresa niza stambenih objekata, koje koriste lica sklona uživanju opojnih sredstava, oduzete su veće količine droge (852,158 gr Heroina, , 60,170 gr Spidd-a; 13,514 gr Marihuane, dok je u neposrednoj blizini baze SFOR-a u naselju Šiški Brod u metalnoj kutiji pronađeno 20 paketa opojne droge u ukupnoj količini od 85,262 gr.

U cilju suzbijanja borbe protiv narkomanije i zloupotrebe opojnih sredstava na području Tuzlanskog kantona, preduzimane su i operativno-taktičke radnje „ograničenje kretanja“ u više ugostiteljskih objekata, diskoteka i salona zabavnih igara, koje su rezultirale pronalaskom i oduzimanjem raznih vrsta tableta, biljnih i praškastih materija koje svojim izgledom asociraju na opojnu drogu; kao i veće količine hladnog i vatrenog oružja. Kontinuirano se vrše opservacije određenih prostora na kojima se okupljaju lica sklona korištenju narkotičkih sredstava i shodno tome preduzimaju odgovarajuće aktivnosti.

TRGOVINA LJUDIMA - PROSTITUCIJA

Iz grupe krivičnih djela protiv spolne slobode i morala tokom izvještajnog perioda, evidentirana su 32 krivična djela, što je za 15 krivičnih djela više u odnosu na isti period 2006. godine. U posmatranom periodu prijavljeno je 8 krivičnih djela silovanja (čl.203. KZ FBiH), što je isto kao i u 2006. godini. Žrtve krivičnog djela silovanja su žene, od kojih je 1 maloljetnica, a tri su u srodstvu sa počiniocima (majka, kćerka i bivša supruga), i većina je izvršena uz upotrebu sile i prijetnji.

U maju 2007.g od strane službenika MUP-a TK, Odjeljenja za posebne namjene, podnesen je Izvještaj o krivičnom djelu po ovom članu KZ FBiH, protiv oca za koga se osnovano sumnja da ja dugi niz godina koristivši prijetnje i fizičku snagu, od kćerkine trinaeste godine, imao seksualne odnose sa njom.

Iz grupe krivičnih djela protiv spolne slobode i morala, evidentirana su i sljedeća krivična djela: 1 krivično djelo po čl.203. a u vezi sa čl.28. (silovanje u pokušaju), počinjeno na području opštine Teočak nad učenicom prvog razreda srednje škole; 5 krivičnih djela spolnog odnošaja sa djetetom (čl.207. KZ FBiH), 11 krivičnih djela bludne radnje (čl.208. KZ FBiH), 1 krivično djelo zadovoljavanje pohote pred djetetom ili maloljetnikom, 6 krivičnih djela navođenje na prostituciju (čl.210. KZ FBiH).

Tim za borbu protiv trgovine ljudima MUP-a TK je tokom 2007. godine, preduzeo više aktivnosti u okviru akcija koje se bave problematikom trgovine ljudima i prostitucijom, kao i nelegalnim boravkom i zapošljavanjem stranaca. U saradnji sa Jedinicom za podršku, Ministarstvom sigurnosti (Službom za strance), predstavnicima EUPM-a, vrše se kontrole i pretresi ugostiteljskih objekata za koje se sumnja da bi mogli biti mjesta gdje se vrši prostitucija ili druga krivična djela iz oblasti trgovine ljudima. Takođe, a u zavisnosti od konkretnog slučaja ostvarena je saradnja sa pripadnicima FMUP-a, SIPA-om, DGS-om i dr., a posebno se ističe saradnja sa NVO "Vaša prava" koja su i pravni zastupnici žrtava trgovine ljudima.

Službenici Tima za borbu protiv trgovine ljudima MUP-a TK su u navedenom periodu izvršili 5 kontrola ugostiteljskih objekata koji su od strane inspekcijskih organa zapečaćeni, i za koje nije utvrđeno da su objekti u kojima se vrši pružanje seksualnih usluga.

Od ukupnog broja (15) kontrolisanih državljanke BiH, 8 je maloljetnica, od kojih je 5 bilo predmet kriminalističke obrade, jedna se izjasnila kao žrtva i bila je zbrinuta u udruženju VIVA žene. Ostale djevojke su radile u Ugostiteljskim objektima kao radnice i nije utvrđeno da su bile predmet seksualne eksploatacije ili žrtve trgovine. U proteklom periodu službenici MUP-a TK su podnijeli, pored ostalih, i Izvještaj o krivičnom djelu po čl.210.st.4., a u vezi sa čl.1. (navođenje na prostituciju), protiv jednog lica zbog osnovane sumnje da je maloljetnicu, uz fizičku prijetnju, prisiljavalo na pružanje seksualnih usluga, kao i 2 Izvješteja po čl.186 st.2. KZ BiH (trgovina ljudima) i po čl.189. st.1. st.2. st 5. KZ FBiH (krijumčarenje ljudi).

Od ukupnog broja kontrolisanih stranih državljanke (6), tri djevojke su dobile otkaz boravka u BiH Rješenjem MUP-a TK, dvije djevojke žive na području TK-a u vanbračnoj zajednici i prema njima su poduzete mjere prema Zakonu o kretanju i boravku stranaca i azilu od strane Službe za strance, a jedna strana državljanke se nalazi u „sigurnoj kući“. Za navedene djevojke službenici MUP-a TK ne raspoložu saznanjima da se iste bave prostitucijom ili su seksualno eksploatisane od strane trećih lica.

Iako je broj registrovanih slučajeva trgovine ljudima na području Tuzlanskog kantona u opadanju, problem trgovine ljudima, a naročito protitucije, još uvijek je prisutan, ali se manifestuje na drugačiji, perfidniji i znatno kompleksniji način sa aspekta otkrivanja i dokumentovanja ovih krivičnih djela. Međutim, nastavljaju se intenzivne aktivnosti na prikupljanju saznanja i dokumentovanju krivičnih djela iz ove oblasti. Raspoloživi podaci ukazuju da se prostitucija, kao najrašireniji oblik trgovine ljudima u Bosni i Hercegovini, trenutno odvija u stanovima, kućama i vikedicama, a žrtve se "naručuju" putem telefona ili drugim sredstvima komuniciranja, često šifrovanim porukama. Podaci takođe ukazuju da je u porastu broj žrtava trgovine ljudima među državljanke Bosne i Hercegovine i to posebno maloljetnim osobama, koje se vrbuju za odlazak u druge zemlje radi pružanja seksualnih usluga za novac.

OSTALA KRIVIČNA DJELA IZ KRIVIČNOG ZAKONA FBiH

Iz grupe krivičnih djela protiv braka, porodice i mladeži evidentirana su 132 krivična djela i to: 114 krivičnih djela po čl.222. (nasilje u porodici),⁸ 13 krivičnih djela po čl.216. (izvanbračna zajednica sa mlađim maloljetnikom), 2 krivična djela po čl.223. (izbjegavanje izdržavanja), 2 krivična djela po čl.219. (zapuštanje ili zlostavljanje djeteta ili maloljetnika) i 1 krivično djelo po čl.217. (oduzimanje djeteta ili maloljetnika).

Iz grupe krivičnih djela protiv ustavnog poretka Federacije BiH registrovana su 2 krivična djela i to po čl.163. KZ FBiH (izazivanje nacionalne, rasne i vjerske mržnje, razdora ili netrpeljivosti).

Iz grupe krivičnih djela protiv sigurnosti javnog prometa evidentirano je 278 krivičnih djela, od čega 189 krivičnih djela po čl.336.-teška djela protiv sigurnosti javnog prometa; 73 krivična djela po čl.332. - ugrožavanje javnog prometa; 12 krivičnih djela po čl.333. - ugrožavanje javnog prometa zbog omamljenosti i 4 krivična djela po čl.337. – neukazivanje pomoći osobi ozlijeđenoj u prometnoj nezgodi.

Iz grupe krivičnih djela protiv opće sigurnosti ljudi i imovine evidentirana su 62 krivična djela, od čega je 54 po čl.323.(izazivanje opće opasnosti), 4 krivična djela po čl.327. (nesavjesno čuvanje pasa i drugih opasnih životinja), po 2 krivična djela po čl.324. (uništenje ili oštećenje važnih privrednih objekata ili javnih naprava) i 2 krivična djela po čl.328. – teška krivična djela protiv opće sigurnosti ljudi i imovine.

Iz grupe krivičnih djela protiv slobode i prava čovjeka i građana registrovano je 31 krivično djelo, što je za 4 krivičnih djela više u odnosu na isti period prošle godine.

Iz grupe krivičnih djela protiv okoliša, poljoprivrede i prirodnih dobara evidentirana su 22 krivična djela, od čega 17 krivičnih djela po čl.316. (šumska krađa), 2 krivična djela po čl.317.(izazivanje šumskog požara), 1 krivično djelo po čl.315. (pustošenje šuma), 1 krivično djelo po čl.318. (mučenje i ubijanje životinja) i 1 krivično djelo po čl.320 (protuzakonit ribolov).

MALOLJETNIČKA DELIKVENCIJA

U toku 2007. godine evidentirana su 523 krivična djela počinjena od strane maloljetnih lica, što je za 96 krivičnih djela ili 15,5% manje u odnosu na isti period prošle godine. Broj učinilaca koji su učestvovali u izvršenju ovih krivičnih djela je 835, što je za 224 učinioca ili 21,2% manje u odnosu na isti period 2006. godine. U ukupnoj strukturi prijavljenih učinilaca krivičnih djela maloljetnika je 18,1%.

⁸ Tuzla - 35, Gradačac - 14, Živinice - 14, Kladanj - 13, Gračanica - 9, Kalesija - 9, Srebrenik - 8, Lukavac - 4, Doboj Istok - 3, Banovići - 2, Sapna - 2 i Teočak 1 krivično djelo

Posmatrano po opštinama na području Tuzlanskog kantona, problematika maloljetničke delikvencije je najizraženija na području opštine Tuzla (214 krivičnih djela), što čini 40,9% od ukupnog broja krivičnih djela koja su počinili maloljetnici; a zatim slijede: Lukavac (68), Gradačac (52), Srebrenik (42), Gračanica (39), Kalesija (36), Živinice (35), itd.

Analizirajući strukturu krivičnih djela učinjenih od strane maloljetnika, u 2007. godini, uočeno je da maloljetnici najviše učestvuju u izvršenju krivičnih djela protiv imovine, gdje je zbog izvršenja ovih krivičnih djela prijavljeno 418 maloljetna lica, dok je zbog izvršenja krivičnih djela krađe prijavljeno 156 maloljetno lice, teške krađe 190 maloljetnih lica, oštećenje tuđe stvari 43, itd.. Evidentirani su slučajevi u kojima se maloljetna lica pojavljuju u izvršenju teških krađa na drzak i opasan način, kao i razbojništava, gdje su uz upotrebu hladnog oružja ili uz upotrebu fizičke sile oduzimali od drugih lica mobilne telefone ili novac.

Određeni broj maloljetnih lica se pojavljuju kao višestruki učinioci krivičnih djela i kao povratnici u izvršenju krivičnih djela, dok je u izvršenju raznih krivičnih djela sve veći broj djece ispod 14 godina starosti.

KRIMINALISTIČKA TEHNIKA

Aktivnosti kriminalističke tehnike u toku 2007.godine bile su usmjerene na pronalaženje, fiksiranje i prikupljanje tragova na mjestu izvršenja krivičnih djela, kriminalističko-tehničkoj obradi lica mjesta krivičnih djela i drugih poslova i zadataka iz domena kriminalističke tehnike.

U toku izvještajnog perioda, od strane kriminalističke tehnike, između mnogih drugih poslova i zadataka, izvršena su 4.622 uviđaja, pronađeno je 12.144 traga, fotografisano 4.661 i skicirano 707 lica mjesta, izvršeno je 910 vještačenja, od čega se 238 vještačenja odnosi na oblast proizvodnje i puštanja u promet opojnih droga, daktiloskopirano je 207 lica, dok je po otiscima identifikovana 57 nepoznatih lica i 2 nepoznata leša. Šifrirano je i uloženo daktiloskopiranih 188 deka-kompleta i 50 mono-kompleta i izvršeno 4.265 analiza, od čega je najveći broj analiza izvršen u oblasti imovinskih delikata (2.488).

Službenici Odjeljenja krininalističke tehnike MUP-a TK izvršili su 180 preventivnih KDZ pregleda, 25 uviđaja vezanih za pronalazak i aktiviranje minsko-eksplozivnih sredstava i 43 izuzimanja minskoeksplozivnih sredstava koja su pronađena od strane građana i policije, izvršeno je 20 preventivnih obilazaka objekata od značaja za Tuzlanski kanton.

Kao članovi Državne komisije za traženje nestalih, odnosno kao članovi ekspertnog tima Kantonalnog suda u Tuzli, službenici kriminalističke tehnike MUP-a TK nastavili su rad na prepoznavanju posmrtnih ostataka i kriminalističko-tehničkim vještačenjima posmrtnih ostataka lica ekshumiranih iz masovnih grobnica. Obradom skeletnih ostataka, u sjedištu Sudske medicine UKC Tuzla, identifikovano je 1110 skeletnih ostataka i 1056 ekshumiranih lica koji su stradali 1995.godine i 54 lica koji su stradali 1992.godine.

U toku 2007.godine. u Odjeljenju kriminalističke tehnike MUP TK-a izvršena su 22 poligrafska ispitivanja lica koja se na bilo koji način mogu dovesti u vezu sa izvršenjem krivičnih djela.

OCJENA STANJA KRIMINALITETA

Shodno iznesenim pokazateljima stanja kriminaliteta može se konstatovati da je u toku 2007. godine na području Tuzlanskog kantona došlo do smanjenja ukupnog broja učinjenih krivičnih djela u odnosu na 2006.godinu i to za 153 krivična djela ili 3,6%.

Smanjenje ukupnog broja krivičnih djela u najvećem dijelu rezultat je smanjenja krivičnih djela iz oblasti imovinskih delikata, što je i bio jedan od glavnih programskih ciljeva ovog Ministarstva u 2007. godini, gdje je došlo do smanjenja za 431 krivično djelo ili 14,3%. Međutim, u posmatranom periodu došlo je do povećanja broja krivičnih djela protiv sigurnosti javnog prometa za 100 krivičnih djela ili čak za 56,2%, kao i krivičnih djela protiv života i tijela za 74 KD-a ili 22,2%. U porastu su i krivična djela protiv zdravlja ljudi i krivična djela protiv braka,

porodice i mladeži. Upravo kod navedenih krivičnih djela gdje je došlo do porasta radi se o pojačanim aktivnostima službenika ovog Ministarstva, kao što je problematika narkomanije, trgovine ljudima, nasilje u porodici, bezbjednost saobraćaja i sl. Razlog tome je svakako i povećan broj napada na službene osobe u vršenju poslova sigurnosti. Može se uočiti da u posmatranom periodu na području Tuzlanskog kantona došlo do smanjenja teških oblika krivičnih djela kao što su ubistva, teške tjelesne ozljede, otmice, razbojništva itd.

Tokom izvještajnog perioda konstantno je ostvarivan visok procenat otkrivenosti krivičnih djela prijavljenih po nepoznatom učiniocu, koji za 2007. godinu iznosi 60,5%, i isti je u odnosu na prošlu godinu poboljšan za 0,2%, dok je ukupan procenat rasvijetljenosti krivičnih djela 77,4%. Takođe, ohrabruje činjenica da je smanjen broj krivičnih djela učinjenih od strane maloljetnih učinilaca za 15,5%, dok je broj maloljetnih učinilaca manji za 21,2% u odnosu na isti period prošle godine. Rezultati u oblasti maloljetničke delikvencije uglavnom su postignuti preventivnim radom policijskih službenika, s obzirom da još uvijek nisu učinjeni značajniji pomaci u preduzimanju konkretnijih, sistemskih i koordiniranih mjera, različitih relevantnih subjekata na svim nivoima vlasti, kako u oblasti preventivnog djelovanja tako i kada se radi o smještaju maloljetnih delikvenata i uspostavljanju odgovarajuće kaznene politike.

Iako je očigledno da su preventivne i druge preduzete mjere od strane službenika policije dale određene pozitivne efekte u suzbijanju kriminaliteta na području Tuzlanskog kantona tokom 2007. godine, potrebno je još jednom ukazati na one faktore koji značajno doprinose kompleksnosti ove problematike na ovom području ali i šire, a to su: međunarodna organizovanost i uvezanost kriminalaca; razjedinjenost policijskih snaga na nivou države; nedostatak zajedničke strategije za borbu protiv organizovanog kriminala na nivou BiH i FBiH; pojava novih oblika kriminala; dugotrajni sudski postupci i postojeća kaznena politika; neefikasnost u sankcionisanju maloljetnika kao višestrukih učinilaca krivičnih djela; saradnja građana sa policijom još uvijek nije na potrebnom nivou, posebno kada se radi o pružanju adekvatnih i blagovremenih informacija o učiniocima krivičnih djela i dr.

JAVNI RED I MIR


Realizujući planirane i vanredne zadatke iz svog djelokruga rada u 2007. godini, organizacione jedinice MUP-a TK su nadležnim sudovima podnijele Zahtjeve za pokretanje prekršajnog postupka za 2.576 prekršaja iz oblasti javnog reda i mira, što je u odnosu na isti period 2006. godine manje za 595 prekršaja ili 18,8%. Broj prijavljenih učinilaca je 3.431, što je u odnosu na prošlu godinu manje za 1.080 učinioaca ili 24%.

Tabela 8. Prekršaji po opštinama TK-a u periodu januar – decembar 2006./2007.g.

	Banovići	Čelić	Doboj-Istok	Gračanica	Gradačac	Kalesija	Kladanj	Lukavac	Sapna	Srebrenik	Teočak	Tuzla	Živinice	Ukupno
2006.	268	79	33	329	201	224	205	364	75	202	39	648	504	3171
2007.	248	53	24	198	119	152	148	209	32	373	34	543	443	2576
razlika	-20	-26	-9	-131	-82	-72	-57	-155	-43	171	-5	-105	-61	-595
razlika %	-7,5	-32,9	-27,3	-39,8	-40,8	-32,1	-27,8	-42,6	-57,3	84,7	-12,8	-16,2	-12,1	-18,8


Analizirajući stanje javnog reda i mira po opštinama na području Tuzlanskog kantona sa aspekta broja evidentiranih prekršaja (Tabela 8. i Grafikon 1.), za koje su nadležnim sudovima dostavljani zahtjevi za pokretanje prekršajnog postupka, može se konstatovati da je do poboljšanja stanja javnog reda i mira u odnosu na isti period prošle godine došlo na području svih opština osim Srebrenika.

Grafikon 1. Komparativni pregled broja prekršaja po opštinama TK-a



Prema mjestu izvršenja najveći broj prekršaja (Grafikon 2.), kao i prethodnih godina, evidentiran je na ulici i drugim otvorenim prostorima 1.688 (što čini 65,5% prekršaja), na ostalim mjestima 417 (16,2% od ukupnog broja), u ugostiteljskim objektima 381 (14,8% od ukupnog broja prekršaja), na sportskim stadionima i dvoranama – 47 prekršaja, školama (školska dvorišta) 37 i vozilima javnog saobraćaja 6 prekršaja.


Grafikon 2. Prekršaji po mjestu izvršenja



U strukturi prekršaja (Grafikon 3.) najzastupljeniji su prekršaji tuče kojih je bilo 951, što je u odnosu na 2006. godinu manje za 208 prekršaja ili 18%; zatim, prekršaji naročito drskog ponašanja 850, što je u odnosu na 2006.godinu manje za 353 prekršaja ili 29,3%, omalovažavanja ovlaštenih službenih lica 239, što je u odnosu na prošlu godinu manje za 101

prekršaj ili 29,7%, ostalih prekršaja iz Zakona o javnom redu i miru – 181 što je za 88 prekršaja manje ili za 32,7% u odnosu na 2006. godinu, prekršaja po odlukama opštinskih vijeća 244 što je više za 130 prekršaja ili 114% nego u prošloj godini, prekršaja prosijačenja – 47 što je za 5 prekršaja ili 12% više nego u istom periodu prošle godine, prekršaja pucanja iz vatrenog oružja – 45, što je u odnosu na prošlu godinu više za 13 prekršaja ili 40,6%.

Grafikon 3. Komparativni pokazatelji strukture prekršaja



Analizirajući stanje javnog reda i mira u proteklih nekoliko godina uočena je tendencija smanjenja broja prekršaja kao i broja težih oblika narušavanja javnog reda i mira. U toku 2007. godine veća pažnja je usmjerena na teže oblike narušavanja javnog reda i mira, kao što su tuče šireg obima i uz učešće većeg broja počinitelaca, prekršaji uz upotrebu vatrenog oružja, oruđa i drugih predmeta. Kada se radi o lakšim oblicima narušavanja javnog reda i mira, u kojima nije došlo do drugih posljedica, osim verbalnog konflikta (komšijske prepirke, porodične svađe i sl.), primjenjivale su se mjere upozorenja i savjetovanja o mirnom razrješenju konflikta, savjetovanje i upućivanje na pravne metode rješavanja spora, a u određenim slučajevima pozivanje sukobljenih strana na razgovor u službenim prostorijama policije. Iz ovoga slijedi konstatacija da, u okviru preventivnog djelovanja policije, određen broj uočenih prekršaja nije rezultirao podnošenjem zahtjeva za pokretanje prekršajnog postupka.

U toku izvještajnog perioda, na području Tuzlanskog kantona prijavljeno je održavanje 1.439 javnih skupova u vidu različitih kulturnih, sportskih, privrednih, političkih i drugih manifestacija. Najveći broj javnih skupova održan je u Tuzli – 596, a zatim slijede: Lukavac – 305, Kalesija – 134, Gračanica – 133, Banovići – 118, itd. Za sve najavljene javne skupove izvršena je detaljna procjena sa bezbjednosnog aspekta i nakon sačinjenog operativnog plana bili su obezbijeđeni prisustvom policije. Treba naglasiti da je u toku 2007. godine u 47 slučajeva došlo do narušavanja javnog reda i mira od strane 72 učinioca prilikom odvijanja sportskih utakmica (najčešće fudbalskih), gdje se brzom angažovanošću službenika policije situacija smirila i spriječeno je nastajanje težih posljedica.


Ipak, u toku septembra 2007. godine, evidentiran je teži incident od strane grupe navijača FK „Sloboda“ Tuzla koji su putujući na utakmicu kluba u Orašje, osim što su ometali odvijanje saobraćaja na putu M1.8. prilikom zaustavljanja autobusa u mjestu Čehaje, općina Srebrenik, izvršili su i krivično djelo Razbojničke krađe na taj način što su, uz verbalne prijetnje trgovcu, u STR „Ajdared“, otuđili i zadržali veće količine alkoholnih i bezalkoholnih pića, a potom na drzak način upotrijebili i fizičku snagu prema prolazniku koji ih je upozoravao na neprimjereno ponašanje, te istom nanijeli teške tjelesne povrede. Prilikom uspostavljanja javnog reda i mira i otkrivanja počinioca bio je uključen veći broj službenika policije PU Gradačac, PS Srebrenik i Jedinice za podršku MUP-a TK.

U posmatranom periodu na području Tuzlanskog kantona nisu evidentirani slučajevi protestnih skupova koji bi ugrožavali normalan tok života i rada zajednice.

Slijedeći vid preventivnog djelovanja policije u proteklom periodu bio je unapređenje saradnje sa građanima, koja su se odvijala putem kontakata službenika policije sa građanima, kao i prisustvom i aktivnim učešćem rukovodnih službenika policije na sastancima u mjesnim zajednicama, školama, udruženjima građana i drugo. Ovaj vid saradnje kao veoma efikasnog preventivnog oblika rada policija će se i dalje unapređivati i proširivati.

Broj i starosna struktura učinilaca prekršaja sa uporednim pokazateljima u odnosu na 2007.g. prikazana je u slijedećem grafikonu:

Grafikon 5. Starosna struktura počinitelja prekršaja



Kada su u pitanju posljedice narušavanja javnog reda i mira u posmatranom periodu, 2 lica su zadobila teške tjelesne povrede (Banovići i Gračanica), što je isti broj kao i prošle godine, a 203 lica su zadobila lake tjelesne povrede, što je u odnosu na prošlu godinu manje za 90 lica.

Evidentno je i učešće maloljetnih lica u činjenju prekršaja po Zakonu o javnom redu i miru, koji se manifestuju kroz razne vidove uznemiravanja građana: bukom, preglasnom muzikom, omalovažavanjem, drskim ponašanjem, konzumiranjem alkohola i narkotičkih sredstava, te tučom i sl. U posmatranom periodu su prijavljena 104 maloljetna učinioca prekršaja (ili 3% od ukupnog broja učinioca). Maloljetnici su počinili ukupno 55 prekršaja, od čega je 41 prekršaj tuče ili fizičkog napada u kojima je učestvovalo 79 maloljetnika, 9 prekršaja naročito drskog ponašanja, 1 prekršaj omalovažavanja ovlaštenih službenih lica itd...

Takođe, mora se spomenuti da na sveukupnu situaciju stanja javnog reda i mira dodatno negativno utiče učešće velikog broja recidivista (višestrukih povratnika u činjenju prekršaja) koji su učestvovali u vršenju 421 prekršaja što je 16,3% od ukupnog broja počinjenih prekršaja. Recidivisti su učestvovali u 138 prekršaja tuče, 162 prekršaja naročito drskog ponašanja, 55 prekršaja omalovažavanja ovlaštenih službenih lica, 4 prekršaja pucanja iz vatrenog oružja itd.

Osobe ženskog pola kao počinioci ili žrtve prekršaja

Od ukupnog broja (2.576) prekršaja iz oblasti JRiM-a osobe ženskog pola su učestvovali u 268 prekršaja što čini 10,4%, a od toga najviše prekršaja naročito drskog ponašanja – 116, zatim tuča – 79, prekršaja prema odlukama OV - 24, ostalih prekršaja po Zakonu o JRiM – 23, prosjačenje – 13, omalovažavanje ovlaštenih službenih lica – 12, aktiviranje petardi - 1. U ovim prekršajima učestvovalo je ukupno 356 žena učinilaca prekršaja što čini 10,4% od ukupnog broja počinitelja. Evidentirano je 28 slučajeva gdje su prekršaje počinile ženske osobe - povratnice u činjenju prekršaja. Analizirajući posljedice prekršaja iz oblasti JRiM može se uočiti da je 29 osoba ženskog pola zadobilo lake tjelesne ozljede, dok teže povrijeđenih nije bilo.

Bezbjednost u zonama povratka

Obzirom da je bezbjednost povratnika u zonama povratka prioritetan zadatak MUP-a TK službenici ovog Ministarstva su i tokom 2007. godine bili posebno angažovani na obezbjeđenju što povoljnijeg bezbjednosnog ambijenta na cijelom području Kantona. Ove aktivnosti su realizovane i implementacijom PIP Projekta 5.4. (Jačanje sposobnosti lokalne policije u pogledu sigurnosti povratka) kroz veće prisustvo službenika policije u mjestima povratka, uspostavljanje češćih kontakata sa povratnicima i podizanje povjerenja povratnika u policiju Tuzlanskog kantona na viši nivo.

Tokom 2007. godine od strane povratnika registrovane su 172 prijave po različitim osnovama. Od ukupnog broja prijava 66 se odnosi na izvršenje krivičnih djela (Gradačac – 16, Banovići – 13, Srebrenik – 12, Kalesija – 7, Sapna - 6, Gračanica – 6, Živinice – 4, Doboj-Istok i Lukavac po 1). Najčešće se radi o krivičnim djelima krađe imovine povratnika (krađa građe za kuću, stolarije, vodo-instalacijskog materijala i dr.kućnog inventara, krađa stoke, paljevina sijena i drugo).

Posebno se mogu izdvojiti slijedeći događaji:

Na području opštine Kalesija, u toku mjeseca februara 2007. godine, došlo je do porodične svađe i tuče između povratnika, u pitanju je nanošenje teških i lakih tjelesnih povreda ocu i majci od strane njihovog sina, te je protiv istog pokrenut krivični postupak zbog počinjenih krivičnih djela Teška tjelesna ozljeda iz čl.172.st.1.i Lahka tjelesna ozljeda iz čl.173.st.1 KZ FBiH.

U drugom slučaju u mjesecu februaru iste godine, povratnik iz naselja Jeginov Lug prijavio je krađu metalnih šina sa mosta iz naselja. Službenici policije su rasvijetlili ovaj događaj, te su protiv 5 lica podnijeli Izvještaj o počinjenom krivičnom djelu Krađa iz čl.286.KZ F BiH.

U toku mjeseca maja 2007. godine evidentirano je krivično djelo Nasilja u porodici iz čl.222.st.1.KZ FBiH, u porodici povratnika u naselju Gojčin, gdje je sin nanio tjelesne povrede majci.

U 2 slučajeva na području opštine Kalesija pokrenuti su krivični postupci protiv lica koja su izvršila krađe iz domaćinstava povratnika.

Na području opštine Gračanica je u toku marta 2007. godine evidentirano pucanje iz lovačke puške po putničkom vozilu povratnika. Službenici policije su operativnim radom na terenu identifikovali počinioca, te pokrenuli dalji postupak.

U toku mjeseca jula 2007.g. službenici PS Sapna su evidentirali 1 krivično djelo provale u kuću povratnika K.M. u naselju Rastošnica, gdje je provalnik uhvaćen prilikom izvršenja krivičnog djela, radi se o B.S. – državljanin Srbije. Protiv počinioca je pokrenut krivični postupak.

Takođe u istom mjesecu službenici PS Srebrenik su evidentirali prijavu povratnika R.V. r.1954.g. iz D.Potpeći o zadobivenim povredama u vidu rasjekotina koje mu je nanijeo S.S. r.1985.g. u D.Tinji u neposrednoj blizini ugostiteljskog objekta. Službenici policije su poduzeli potrebne mjere i radnje oko rasvjetljavanja ovog krivičnog djela.

U toku 2007.g. službenici PS Srebrenik, PS Banovići i PU Gradačac su podnijeli Zahtjeve za pokretanje prekršajnog postupka protiv lica koja su narušavala javni red i mir.

Ostali prijavljeni događaji odnosili su se na manja uznemiravanja građana povratnika, upade ovčara sa stadima stoke na posjede, provale u privatne objekte povratnika iz kojih nije ništa otuđeno, zatim na neriješene imovinske odnose između povratnika i drugo. Ovi događaji su se završavali upozorenjem vinovnika događaja od strane službenika policije, upućivanjem na nadležne sudske i općinske službe u cilju razrješavanja imovinskih nesuglasica i drugo.

Bezbjednost povratnika na području Tuzlanskog kantona tokom 2007. godine u odnosu na prethodni period možemo ocijeniti povoljnom.

Napadi na vjerske službenike, vjerske i sakralne objekte

U okviru kontinuiranog praćenja bezbjednosne problematike poseban akcenat je dat bezbjednosti vjerskih službenika, vjerskih i sakralnih objekata na području Tuzlanskog kantona. Međutim, u posljednjih nekoliko godina, na području Kantona i širem okruženju, prisutna je pojava krađa bakarnih odnosno mesinganih i drugih metalnih predmeta od strane pojedinaca i organizovanih kriminalnih grupa, koji se prodaju na raznim mjestima otkupa sekundarnih sirovina. Ova pojava ima posebnu težinu i značaj s obzirom da su vrlo često na meti vjerski i sakralni objekti svih vjerskih zajednica. Pored materijalne štete, ovim krivičnim djelima se mogu prouzrokovati međunacionalne tenzije, koje se ponekad, zloupotrebom, koriste i za ostvarenje drugih ciljeva.

U toku 2007.g. na području Tuzlanskog kantona je prijavljeno 48 slučajeva krađa ili oštećenja predmeta i ukrasa sa vjerskih i sakralnih objekata, te ispisivanja uvredljivih sadržaja i to: Tuzla (17), Srebrenik (15), Gračanica i Živinice po (5), Kalesija (3), Gradačac, Kladanj i Lukavac po (1). Radi se o krađi bakarnih slivnika sa crkvi i džamija, bakarnih i mesinganih ukrasa sa nadgrobnih spomenika, a u 2 slučaja ispisivanja uvredljivih sadržaja na zidovima pomoćnih objekata vjerskih zajednica.

Udruženim akcijama službenika policije PS Srebrenik i PU Tuzla otkriveni su počinioci nekoliko krađa sa vjerskih objekata, te su isti dalje procesuirani.

OPERATIVNE AKTIVNOSTI POLICIJE

Izvršavajući redovne poslove i zadatke na osnovu zakonskih ovlaštenja pripadnici policije su izvršili 1.094 privođenja lica, priveli 1.011 lica, sproveli 209 i zadržali 222 lica. Takođe su izvršili legitimisanje 16.024 lica, obavili 5.664 uviđaja, pretresli 375 lica, izvršili pregled 30 motornih vozila, izvršili pretres 35 stanova, 19 ugostiteljskih objekata i 17 drugih prostorija, oduzeli 1.968 predmeta, uhvatili 28 lica po potjernicama i 2 odbjegla osuđenika.

Uniformisani policajci su samostalno rasvjetlili 699 krivičnih djela, a u saradnji sa krim. službom učestvovali u rasvjetljavanju još 186 krivičnih djela, sačinili 4.631 službenih zabilješki o osnovanim sumnjama za postojanje krivičnog djela. Takođe su na osnovu zahtjeva tužilaštva izvršili 1.010 provjera, te 27 provjera na zahtjev FOSS-a, DGS-a, Agencije za informacije i zaštitu BiH i vojne bezbjednosti, dok je po zahtjevu drugih organa izvršeno 5.954 provjera.

Pruženo je ukupno 389 asistencija, od toga po zahtjevu državnih organa 74, po zahtjevu organa i organizacija javnih ovlaštenja 229, po ostalim zahtjevima 86. Izvršeno je 6.119 redovnih i 2.140 vanrednih obezbjeđenja.

Napadi na ovlaštena službena lica i upotreba sredstava prinude

Tokom izvještajnog perioda na ovlaštene službenike MUP-a TK je izvršeno 16 napada⁹⁾ što je u odnosu na isti period prošle godine više za 8 slučajeva ili 100%. Od ukupnog broja napada, pojedinačnih je bilo 14, grupnih napada (udruženo tri ili više lica) - 2.

Napadi na OSL-a su izvršeni prilikom održavanja ili uspostavljanja narušenog javnog reda i mira u 9 slučajeva, prilikom zaticanja lica u vršenju krivičnog djela (3), prilikom kontrole saobraćaja (1), prilikom legitimisanja i traženja drugih isprava na uvid (2), prilikom preduzimanja ostalih radnji (1).

U ovim napadima, u 13 slučajeva je od strane napadača upotrijebljena fizička snaga, u jednom slučaju je upotrijebljeno vatreno oružje, u 2 slučaja je upotrijebljeno oruđe i drugi predmeti. Ukupan broj napadača u ovim napadima je 20, od čega je svih 20 punoljetnih napadača. Posljedice navedenih napada su: 13 lakše povrijeđenih OSL-a, 1 teže povrijeđeno OSL. Protiv napadača je podnešeno sedam Izvještaja tužilaštvu o počinjenom krivičnom djelu.

⁹⁾ (Tuzla – 8, Živinice – 2, JP za podršku -1, Lukavac – 2, Gračanica 3)

U izvještajnom periodu službenici policije MUP-a TK su 53 puta upotrijebili sredstva prinude. Pedeset slučajeva upotrebe sredstava prinude su ocijenjeni opravdanim i u skladu sa zakonom, dok je za 3 slučaja upotrebe sredstava prinude postupak opravdanosti u toku. **Broj upotreba sredstava prinude u odnosu na isti period 2006. godinu je manji za 11.**

Oduzeto ilegalno posjedovano oružje, municija i MES-a

Službenici ovog Ministarstva su, obavljajući svoje redovne i vanredne poslove i radne zadatke u toku 2007. godine pronašli i oduzeli slijedeće količine ilegalno posjedovanog oružja, municije i minsko-eksplozivnih sredstava:

Tabela 9. Oduzete količine oružja, municije i MES-a

Vrsta oružja i MES-a	2006.g.	2007.g
Teška oružja (puškomitraljez, PAM, sijač smrti i sl.)		1
Automatska puška	20	4
Poluautomatska puška	2	2
Puška M-48	8	6
Lovačke puške	9	6
Puške ostale vrste	6	6
Pištolj	42	44
Tromblonske mine, zolje, ose i sl.	1	
Ručna bomba	27	30
Noževi	75	92
Petarde	53182	94780
Druge eksplozivne naprave i sredstva	1496	47
Bejzbol palice	9	12
Drugi predmeti	4790	269
Municija - meci (u komadima)	1380	694
Eksploziv (u kilogramima)		

Pored navedenog, u koordinaciji sa EUPM-om, FMUP-om i kantonalnim štabom CZ, kontinuirano se vode aktivnosti po Akciji "Žetva". U ovoj akciji građani su dobrovoljno predali slijedeće oružje, municiju i minsko-eksplozivna sredstva: automatskih pušaka – 13 komada, poluautomatskih pušaka – 6 komada, pušaka M-48 – 18 komada, automata – 8 komada, vazdušnih pušaka – 3 komada, pušaka ručne izvedbe – 3 komada, puškomitraljezi – 2 komada, pištolja – 11 komada, zolja – 2 komada, ručni bacač – 3 komada, ručnih bombi – 367 komada, tromblonskih mina – 49 komada, artiljerijskih granata 21 komad, minobacačkih mina – 4 komada, 400 g trotila, 600 g eksploziva, 10 g baruta u prahu, 4 m sporogorećeg štapina, municije 7,62 mm – 8.302 komada, municije 20 – 76 mm – 14 komada, municija preko 76 mm – 1 komad, okvira za AP – 30 komada, upaljači (razni) – 14 komada, tromblonski nastavak za AP – 1 komad, inicijalne kapisle – 9 komada, ostalo – 19 komada.

OCJENA STANJA JAVNOG REDA I MIRA

Analizirajući prezentirane pokazatelje stanja u oblasti javnog reda i mira u toku 2007.godine na području Tuzlanskog kantona, može se konstatovati da je stanje javnog reda i mira zadovoljavajuće ali sa potencijalnom mogućnošću usložnjavanja s obzirom na ukupni bezbjednosni ambijent i trendove savremenog društva, što policiji Tuzlanskog kantona nameće obavezu kontinuiranog praćenja stanja u ovoj oblasti i prilagođavanja organizacione strukture i načina funkcionisanja policije u novim uslovima, shodno zakonskim rješenjima kojima je regulisana oblast sprečavanja i sankcionisanja prekršaja, a u cilju unapređenja ukupnog preventivnog i represivnog rada policije na području Tuzlanskog kantona.

BEZBJEDNOST SAOBRAĆAJA

Tokom izvještajnog perioda službenici policije Tuzlanskog kantona su u cilju prevencije izvršili kontrolu 203.028 vozila i 90.500 lica u vozilima (osim vozača). U okviru preventivnog djelovanja, na području svake policijske stanice vrši se procjena i analiza saobraćajno-bezbjedonosnog stanja na osnovu čega su se planirale, organizovale i sprovodile akcije pojačane kontrole saobraćaja sa akcentom na: ograničenje brzine kretanja vozila, vožnja pod dejstvom alkohola, bezbjednost pješaka u saobraćaju, motociklisti, taxi-vozila, tehnička ispravnost vozila i dr. Pored akcija pojačane kontrole saobraćaja na nivou policijskih uprava i policijskih stanica tokom 2007. godine realizovane su i akcije pojačane kontrole saobraćaja kantonalnog značaja i jedna akcija federalnog značaja.

U posmatranom periodu, službenici policije MUP-a TK su zbog učinjenih krivičnih djela iz oblasti bezbjednosti saobraćaja nadležnim tužilaštvima podnijeli 153 izvještaja što je **u odnosu na isti period prošle godine više za 55 izvještaja ili 56,1%**. Zbog učinjenih prekršaja u saobraćaju opštinskim sudovima za prekršaje podnešena su ukupno 3.762 zahtjeva za pokretanje prekršajnog postupka, dok je zbog učinjenih prekršaja u saobraćaju, izdato 31.587 prekršajanih naloga.

Pojačane aktivnosti policije u oblasti bezbjednosti saobraćaja na putevima Tuzlanskog kantona rezultirale su određenim pozitivnim efektima, kao što su:

-Vožnja pod dejstvom alkohola je u opadanju, tako da su u posmatranom periodu evidentirana 842 vozača koji su upravljali motornim vozilom pod dejstvom alkohola, što je u odnosu na isti period prošle godine **manje za 1.083 vozača ili 56,2%**.

-U posmatranom periodu evidentirano je 527 vozača koji su vozilom upravljali bez položenog odgovarajućeg vozačkog ispita, što je u odnosu na isti period 2006. godinu **manje za 246 vozača ili 31,8%**.

-Službenici policije su prilikom obavljanja redovnih i pojačanih kontrola saobraćaja evidentirali 562 vozila koja su u saobraćaju učestvovala bez važeće registracije, što je u odnosu na isti period prošle godine manje **za 303 vozila ili za 35,1%**.

-Broj vozača koji su upravljali vozilom pod izrečenom zaštitnom mjerom u posmatranom periodu je 72, što je u odnosu na isti period prošle godine **manje za 36 vozača ili 33,3%**.

-Pored navedenog, iz saobraćaja su zbog tehničke neispravnosti isključena 274 vozila, što je u odnosu na isti period 2006. godine **manje za 330 vozila ili 54,6%**.

U toku 2007. godine, na putevima Tuzlanskog kantona se dogodilo ukupno 5.491 saobraćajna nezgoda, **što je u odnosu na isti period 2006. godine više za 915 saobraćajnih nezgoda ili 19,9%**. U ovim nezgodama poginulo je 46 lica, dok je teže i lakše povrijeđeno 1.831 lice.


Tabela 1. Komparativni pregled saobraćajnih nezgoda po opštinama TK-a

	Banovići	Čelić	Doboj-Istok	Gračanica	Gradačac	Kalesija	Kladanj	Lukavac	Sapna	Srebrenik	Teočak	Tuzla	Živinice	MUP- ukupno
2007.g	164	36	68	412	241	213	184	366	32	552	18	2622	583	5491
2006.g	107	36	61	322	244	230	178	224	30	473	22	2153	496	4576
razlika	57	0	7	90	-3	-17	6	142	2	79	-4	469	87	915
%	53,3	0,0	11,5	28,0	-1,2	-7,4	3,4	63,4	6,7	16,7	-18,2	21,8	17,5	20,0

U odnosu na 2006. godinu, broj poginulih lica u saobraćajnim nezgodama je veći za 3. Teške tjelesne povrede zadobilo je 268 lica, što je u odnosu na prošlu godinu **više za 44 lica ili 19,6%**, dok su 1.563 lica zadobila lakše tjelesne povrede, što je u odnosu na isti period 2006. godine **više za 266 lica ili 20,5%**.


Broj saobraćajnih nezgoda samo sa materijalnom štetom je 4.180, što je u odnosu na isti period prošle godine **više za 652 SN-e ili 18,4%**.

Grafikon 1. Saobraćajne nezgode po mjesecima




Ukupan broj saobraćajnih nezgoda u kojima su **žene učestvovalе kao vozači** je 691 ili 12,6% ukupnog broja saobraćajnih nezgoda u 2007. godini.

Grafikon 2. Trend događanja saobraćajnih nezgoda



Grafikon 3. Saobraćajne nezgode sa poginulim licima



Od ukupnog broja saobraćajnih nezgoda 4.898 se dogodilo u naselju i 593 saobraćajne nezgode izvan naseljenih mjesta. Inostrani vozači su učestvovali u 243 saobraćajne nezgode ili 4,4% od ukupnog broja saobraćajnih nezgoda.

U saobraćajnim nezgodama na području Tuzlanskog kantona poginulo je 19 vozača, teže su povrijeđena 123 vozača, dok je 690 vozača lakše povrijeđeno.

Tokom istog perioda u saobraćajnim nezgodama je poginulo 13 pješaka, 76 pješaka je teže povrijeđeno, a 282 pješaka su zadobila lakše tjelesne povrede.

Kada se radi o stradanju putnika u saobraćajnim nezgodama, može se konstatovati da je 14 putnika smrtno stradalo, 69 putnika zadobilo je teže tjelesne povrede a 591 putnik je zadobio lake tjelesne povrede.

U saobraćajnim nezgodama na putevima Tuzlanskog kantona tokom 2007. godine ukupno je nastradalo 471 osoba ženskog spola ili 25,1% ukupnog broja nastradalih lica u saobraćajnim nezgodama. Od tog broja, 12 osoba ženskog spola je poginulo, teške tjelesne povrede zadobilo je 49 osoba ženskog spola, dok je lakše tjelesne povrede zadobilo 410 osoba ženskog spola. Osobe ženskog spola su u svojstvu vozača učestvovali u 4 saobraćajne nezgode u kojima su smrtno stradala 4 lica, dok su kao vozači učestvovali u 153 saobraćajne nezgode, u kojima je 26 lica zadobilo teške tjelesne povrede a 183 lica lake tjelesne povrede. Osobe ženskog spola su, takođe, učestvovali kao vozači u 534 saobraćajne nezgode u kojima je nastupila samo materijalna šteta.

Analizirajući saobraćajne nezgode po kategoriji puta, može se konstatovati da se, od ukupnog broja saobraćajnih nezgoda u posmatranom periodu, najveći broj dogodio na ulicama u naseljenim mjestima (2.500 SN-a), kojom prilikom je poginulo 7 lica, 56 lica je teže povrijeđeno dok su 484 lica lakše povrijeđena.

Na magistralnim putevima se dogodilo 1.546 SN-a, kojom prilikom je poginulo 31 lice, 125 lica je zadobilo teške tjelesne povrede i 518 lica lakše tjelesne povrede.

Na regionalnim putevima se dogodilo 717 SN-a, kojom prilikom su 2 lica poginula, 49 lica je zadobilo teške tjelesne povrede a 299 lica lakše tjelesne povrede.

Na lokalnim putevima se dogodilo 616 SN-a u kojima je 6 lica poginulo, 37 lica je zadobilo teške tjelesne povrede i 254 lica lakše tjelesne povrede.

Analizirajući događanja saobraćajnih nezgoda po danima u sedmici zaključujemo da se najviše saobraćajnih nezgoda tokom izvještajnog perioda događao u danima vikenda (subota i nedjelja), kada je bilo i najviše stradalih lica u saobraćajnim nezgodama.

Analiziranjem uzroka događanja saobraćajnih nezgoda u toku izvještajnog perioda, utvrđeno je da su vozači bili osnovni uzročnici u 4.522 saobraćajne nezgode ili 82,4% ukupnog broja saobraćajnih nezgoda, i to: neprilagođenom brzinom kretanja vozila (1.639), nedržanjem propisanog odstojanja (550), oduzimanje prvenstva prolaza (344), nepropisnom vožnjom unazad (336), nedržanje desne strane (303), preticanjem (292), nepropisnim skretanjem (223), nepropisnim uključivanjem u saobraćaj (216), vožnjom pod uticajem alkohola (183), nepropisno mimoilaženje (140), nepropisnim obilaženjem (111), nepoštivanjem saobraćajnog znaka (128), nepropisnim polukružnim okretanjem (30), nepropuštanjem pješaka (8), nepravilno raspoređenim teretom (11), crveno svjetlo (8),...

Elementi i oprema puta bili su uzročnici 70 saobraćajnih nezgoda ili 1,2% ukupnog broja saobraćajnih nezgoda; tehnička neispravnost vozila je bila uzročnik u 4 saobraćajne nezgode, dok su ostali uzroci bili prisutni u 895 saobraćajnih nezgoda ili 16,2% ukupnog broja saobraćajnih nezgoda.

Od svih uzroka, posebno se izdvaja neprilagođena brzina kretanja vozila, što je bio uzrok za 29,8% ukupnog broja saobraćajnih nezgoda na putevima Tuzlanskog kantona, u kojima je smrtno stradalo 28 lica (60,8% ukupnog broja poginulih lica u saobraćajnim nezgodama).

Ocjena stanja bezbjednosti saobraćaja

Analizom prezentiranih pokazatelja stanja bezbjednosti saobraćaja na putevima Tuzlanskog kantona u 2007. godini i njihovom komparacijom sa istim periodom prošle (2006.) godine, uvažavajući uticajne faktore, može se zaključiti da je i pored pojačanih preventivnih mjera i aktivnosti policije došlo do pogoršanja stanja u ovoj oblasti.

Pogoršanje stanja bezbjednosti saobraćaja na području Tuzlanskog kantona ogleda se kroz povećanje ukupnog broja saobraćajnih nezgoda, povećanje ukupnog broja nastradalih lica, povećanje broja učinjenih krivičnih djela u saobraćaju, povećanje iznosa materijalne štete prouzrokovane saobraćajnim nezgodama.

Pored stalnog porasta broja učesnika u saobraćaju, na ukupno stanje bezbjednosti saobraćaja značajno negativno utiče stanje, propusnost i opremljenost puteva, koji ne odgovaraju savremenim zahtjevima i iskazanim potrebama.

Međutim, evidentna su i određena poboljšanja i pozitivni trendovi u ovoj oblasti, koji su rezultat preventivnog i represivnog rada policije, kao što su: smanjenje broja vozača koji su upravljali motornim vozilom pod dejstvom alkohola, smanjenje broja vozača koji su upravljali vozilom sa izrečenom zaštitnom mjerom, smanjenje broja isključenih vozila zbog tehničke neispravnosti vozila, smanjenje broja vozača koji su upravljali vozilom bez važeće registracije, smanjenje broja vozača koji su upravljali vozilom bez položenog vozačkog ispita i dr.

Stanje bezbjednosti u saobraćaju na putevima Tuzlanskog kantona, ali i šire, nameće potrebu hitnog angažovanja nadležnih subjekata na državnom, federalnom, kantonalnim i opštinskim nivoima, kako u smislu što potpunijeg i studioznijeg sagledavanja ukupne saobraćajne problematike, tako i u cilju preduzimanja strateških mjera i aktivnosti kako bi se postojeće stanje dugoročno poboljšalo. S tim u vezi, potrebna je dosljednija primjena Zakona o osnovama bezbjednosti saobraćaja u BiH, kao i ispunjavanje Zakonom propisanih obaveza od strane svih relevantnih subjekata.

OSTALE AKTIVNOSTI

Tokom 2007. godine na području Tuzlanskog kantona evidentirana su 54 slučaja izvršenog **suicida**, što je za 13 slučaja ili 19,4% manje nego u toku 2006. godine. U 40 (ili 74%) slučaja izvršenog suicida radi se o licima muškog pola, a u 14 (ili 26%) slučaja o osobama ženskog pola. Način izvršenja suicida: vješanjem (36), pucanjem iz vatrenog oružja (7), bacanjem sa visine i trovanjem otrovnim sredstvima po (3), aktiviranjem ručne bombe i utapanjem u vodi po (2) i nanošenjem povreda nožem (1). U 31 slučaju počinjenog suicida uzrok je nepoznat, u 20 slučajeva uzrok je teška bolest (nervno rastrojstvo) a u 3 slučaja porodični problemi. Najviše suicida izvršeno je na području opštine Tuzla (20), zatim slijede: Živinice (8), Lukavac (6), Gračanica (5), Srebrenik (4), Kladanj i Gradačac po (3), Doboj-Istok (2), Banovići, Kalesija i Sapna po (1).

U toku 2007. godine evidentirano je i 16 pokušaja suicida, što je u odnosu na 2006. godinu manje za 13 pokušaja suicida. Načini izvršenja pokušaja suicida su slijedeći: trovanjem otrovnim sredstvima (5), bacanjem s visine i vješanjem po (4), pucanje iz vatrenog oružja, nanošenjem povreda nožem i ostalim načinima po (1) slučaj.

U toku 2007. godine, službenici Ministarstva su bili angažovani i na utvrđivanju uzroka smrti u nesretnim slučajevima, povredama na radu i prilikom pronalaska leševa lica za koje je pregledom od strane ljekara ili nalazom obdukcije ustanovljeno da se radi o prirodnim ili zadesnim smrtima.

U posmatranom periodu evidentirana su 4 smrtna slučaja (Lukavac i Tuzla po 2) gdje je smrt kod lica nastupila uslijed prekomjernog uzimanja narkotičkih sredstava. Za sve slučajeve smrti lica, službenici policije su nadležnom Kantonalnom tužilaštvu u Tuzli podnijeli Izvještaje.

Veliki je broj nastradalih lica i po raznim vrstama nesretnih slučajeva: 14 lica je smrtno stradalo (3 malodobna lica – od čega 2 djece od udara groma, 1 dijete davljenjem gumom), 12 lica je zadobilo teške tjelesne povrede (od čega 1 dijete trovanjem pesticidom), te 14 lica (od čega 2 malodobna) koja su zadobila tjelesne povrede za koje se ljekari nisu izjasnili o težini, te 1 lice sa lakim tjelesnim povredama.

Takođe, službenici policije su bili angažovani i na uviđajima pri povredama na radu radnika u više preduzeća u kojima su 2 radnika smrtno stradala, 45 radnika je zadobio teške tjelesne povrede, 7 lake tjelesne povrede, dok je 13 radnika zadobilo tjelesne povrede o kojima se ljekari nisu izjasnili o težini.

UPRAVA ZA ADMINISTRACIJU I PODRŠKU

U toku 2007.godine, Uprava za administraciju i podršku Ministarstva unutrašnjih poslova Tuzlanskog kantona je bila angažovana na izvršavanju poslova i zadataka iz svoje nadležnosti i djelokruga rada u skladu sa Programom rada Ministarstva za 2007. godinu. Istovremeno, trebalo je iznalaziti organizacione, kadrovske, tehničke i materijalne mogućnosti kako bi se korektno obavljali i određeni zadaci koji su se u ovom periodu vanredno nametali i time zahtijevali dodatno angažovanje.

UPRAVNO-PRAVNI POSLOVI

Obavljajući poslove iz djelokruga upravno-pravnih poslova, pored niza drugih aktivnosti izvršeno je: 22.634 registracije vozila, produžena je registracija za 80.825 vozila, objavljeno je 10.793 vozila, izdato 19.089 novih i produžene 1.273 vozačke dozvole, prijavljeno je polaganje 13.951 vozačkih ispita, izdato 39.467 ličnih karata, izvršeno 46.711 promjena adrese i prijave – objave prebivališta, određeno 7.377 jedinstvenih matičnih brojeva građana (JMB), izdato 1.952 odobrenja za nabavku oružja, izvršeno 1.878 registracija oružja, oduzeto oružja u upravnom postupku 80, održano 1.439 javnih skupova, donešena 6.783 rješenja iz oblasti građanskih stanja, obrađeno 32 predmeta po provjeri državljanškog statusa, zaprimljeno 38 zahtjeva za prijem u državljanstvo F BiH i BiH, doneseno 13 rješenja o prijemu u državljanstvo FBiH i BiH, broj rješenja o prijemu u državljanstvo donesenih na osnovu međunarodnog sporazuma – 9, odbijena su 2 zahtjeva za prijem u državljanstvo FBiH i BiH, primljeno 59.994 zahtjeva za izdavanje putnih isprava, a izdato je 57.056 putnih isprava, prijavljeno gubljenje ili nestanak 357 putnih isprava i zatraženo 448 duplikata istih, odbijeno 6 zahtjeva za izdavanje putnih isprava, a oduzeto je 7 putnih isprava.

PODRŠKA

U skladu sa procedurama propisanim Zakonom o javnim nabavkama, u posmatranom periodu su metodom javnog nadmetanja raspisani javni tenderi (za osiguranje imovine i lica MUP-a TK-a; održavanje objekata vlasništva MUP-a TK, nabavku kancelarijskog namještaja i potrošnog materijala, tehnički pregled vozila i nabavka goriva i maziva, rezervnih dijelova, autoguma i akumulatora, nabavka računara, štampača i dr.). Takođe, izvršena je nabavka uniformi za pripadnike uniformisane policije, nabavka motociklističke opreme, te nabavka svečane uniforme, klima urađaja, radara i vozila.

Od kapitalnih projekata u smislu investicionog održavanja utrošena su sredstava na: adaptaciju šalter sale PU Živinice, garaže u PS Banovići, uređenje zgrade PU Lukavac, te kupovinu zemljišta za izgradnju PS Istok Tuzla i još drugih manjih investicija.

LJUDSKI RESURSI

Pravilnikom o unutrašnjoj organizaciji i sistematizaciji poslova MUP TK-a predviđen je ukupan broj zaposlenih u MUP TK-a kako slijedi:

Org. jedinice	Ovlašteni	Neovlašteni	Ukupno
Kabinet Ministra		8	8
Uprava policije	1548	174	1722
Uprava administracije i podrške		240	240
Inspektorat PPZ		11	11
U k u p n o	1548	433	1981

Trenutna kvalifikaciona, polna i nacionalna struktura ovlaštenih i neovlaštenih službenika i namještenika MUP-a TK je:

Kvalifikaciona struktura zaposlenih

Školska sprema	NSS	PKV	KV	SSS	VKV	VŠS	VSS	Ukupno
Ovlašteni	0	0	206	979	11	90	170	1.456
Neovlašteni	27	0	19	253	10	21	55	385
U K U P N O	27	0	225	1.232	21	111	225	1.841

Polna struktura

Školska sprema	NSS	PKV	KV	SSS	VKV	VŠS	VSS	Ukupno
Muškarci	0	0	215	1.018	21	95	183	1.532
Žene	27	0	10	214	0	16	42	309
UKUPNO	27	0	225	1.232	21	111	225	1.841

Nacionalna struktura zaposlenih

Nacionalna struktura	Bošnjaci	Hrvati	Srbi	Ostali	Ukupno
Broj službenika	1.538	118	134	51	1.841
Struktura(%)	83,5	6,4	7,3	2,8	100,00

PROTIVPOŽARNA ZAŠTITA

U toku 2007. godine, na području Tuzlanskog kantona registrovano je ukupno 355 požara, što je za 143 požara ili 68% više u odnosu na 2006. godinu. U požarima su zahvaćene slijedeće kategorije objekata: složeni stogovi sijena – 77, stambeni objekti – 69, ostale vrste objekata – 68, šumski prostori – 47, pomoćni objekti - 42, saobraćajna sredstva –30, poslovni prostori - 15 požara, proizvodni objekti – 5 požara i magacini i skladišta – 2 požara.

Uzroci požara su slijedeći: ostali uzroci – 137, nehat - 96 slučaja požara, namjera (podmetanje požara) – 73 i tehnički nedostaci – 49. U ovim požarima smrtno je stradalo 1 lice (Teočak) a 2 lica su povrijeđena. Procijenjena je materijalna šteta u visini od oko 1.264.458,- KM. Zbog osnovane sumnje da se radi o krivičnom djelu nadležnim tužilaštvima je podnešeno 26 Izvještaja o izvršenom krivičnom djelu.

U toku izvještajnog perioda na području Tuzlanskog kantona registrovano je ukupno 20 eksplozija, što je za 4 eksplozije više nego u istom periodu prošle godine. Eksplozije su nastale u 10 slučajeva na ostalim vrstama objekata, stambenim - 5, poslovni prostori – 3 eksplozije, te na šumskom prostoru i saobraćajnom sredstvu po 1 eksplozija.

Uzroci eksplozija su slijedeći: podmetanje (namjerno izazvane eksplozije) - 11, ostali uzroci – 4, nehat – 3 i tehnički nedostatak - 2. U eksploziji mine PROM-1 smrtno je stradalo 1 lice (Lukavac), dok je u ostalim eksplozijama 9 lica zadobilo tjelesne povrede. Nadležnim tužilaštvima je podneseno 6 Izvještaja zbog osnovane sumnje da se radi o krivičnom djelu u vezi sa podmetanjem eksplozivnih naprava.

U toku 2007.godine na području MUP-a TK evidentirano je 15 lažnih dojava o postavljenom eksplozivu i to u slijedećim objektima: osnovne i srednje škole – 9, ugostiteljski objekti – 2, objekat robne kuće, privredni objekat DD“Solana“, sportski stadion „Tušanj“ i zgrada općine Sapna – po 1 dojava.

Službenici policije su preduzeli sve potrebne mjere pregleda navedenih objekata kao i otkrivanja počinioca lažnih dojava. Evidentirane su i 2 lažne dojave o padu aviona na području općina Srebrenik i Gradačac.

Inspektori MUP-a TK za zaštitu od požara su u proteklom periodu iz oblasti inspekcijskog nadzora nad zaštitom od požara izvršili ukupno 996 inspekcijških pregleda od čega 547 redovnih, 336 kontrolnih pregleda i 113 vanrednih. Na osnovu zapisnikom utvrđenih nedostataka sačinjena su 362 rješenja o nalažanju 968 mjera za otklanjanje uočenih nedostataka od čega je 16 zabrana. Naložene mjere uglavnom se odnose na obaveznu periodičnu kontrolu instalacija, uređaja i sredstava koji su u funkciji zaštite od požara, prilagođavanja internih akata važećim propisima, obaveznu obuku i provjeru znanja iz ove oblasti i sl.

Sa aspekta vođenja upravnog postupka svi inspekcijški pregledi izuzev vanrednih započinjani su po službenoj dužnosti dok su vanredni pregledi preduzimani na temelju zahtjeva ili predstavki. U posmatranom periodu bilo je 113 takvih predmeta i svi su okončani u zakonskom roku.

U naznačenom periodu podnesena su 4 zahtjeva za pokretanje prekršajnog postupka iz ove oblasti protiv 4 pravna lica i 4 odgovorna lica.

Takođe, Inspektori za zaštitu od požara uzeli su aktivno učešće u 110 uviđaja požara, te u radu jedne Komisije za polaganje ispita za profesionalne vatrogasce, 15 Komisija za rukovoaoce zapaljivim tečnostima i gasovima i 3 Komisije za polaganje stručnog ispita za lica koja obavljaju poslove u oblasti zaštite od požara.

ODNOSI SA JAVNOŠĆU

Svakodnevnim telefonskim i neposrednih kontaktima Odsjeka za odnose sa javnošću MUP-a TK sa novinarima, kako sa područja TK-a, tako i sa područja cijele BiH, građanima je omogućen uvid u rad ovog Ministarstva, sa posebnim akcentom na oblasti koje su od interesa za građane i aktualne bezbjedonosne događaje.

U toku 2007. godine za televizijske kuće date su 173 izjave (uključujući i gostovanja u TV emisijama), 152 izjave i gostovanja za radio stanice i 155 izjava za printane medije. Kada su u pitanju kontakti sa novinarima pisanih medija, za dnevne listove upućeno je oko 500 informacija o aktualnim događajima i interesantnim temama. U posmatranom vremenskom periodu održano je 6 PRESS konferencije, koje su bile izuzetno posjećene od strane velikog broja novinara.

Službenici Odsjeka su u navedenom periodu zajedno sa đacima srednjih i osnovnih škola aktivno sudjelovali u projektu "Civitas" i to na taj način što su za učenike pripremali izjave i podatke koji su im bili potrebni za obrade određenih tema (nasilje u porodici, maloljetnička delikvencija, narkomanija, stanje sigurnosti na području TK-a i sl.). Pored učešća u ovom projektu, više studenata Fakulteta Kriminalističkih nauka i Filozofskog fakulteta obraćalo se za pomoć u realizaciji diplomskih, seminarskih i magistarskih radova.

Preko Odsjeka za odnose s javnošću ovo Ministarstvo je ostvarilo aktivno učešće u realizaciju kampanje državnog nivoa i to pod nazivom "VAŠA SIGURNOST-NAŠA OBAVEZA", koja se provodi na prostoru cijele BiH, kao i drugim projektima nevladinih organizacija.

INFORMACIONI I TELEKOMUNIKACIONI SISTEM MUP-a TK

Dosadašnji razvoj informacionog i telekomunikacionog sistema MUP-a TK tekao je veoma sporo i može se reći parcijalno. Aktivnosti su išle u pravcu informacionog uvezivanja pojedinih dislociranih organizacionih jedinica (uglavnom za potrebe projekta CIPS) i oslanjanje na projekte koji su realizovani od strane međunarodnih subjekata. Na kantonalnom nivou, uglavnom je vršena nabavka računara, štampača i druge pripadajuće opreme i rezervnih dijelova. Međutim, u toku 2007. godine, učinjeni su značajniji pomaci u cilju uspostavljanja funkcionalnog informacionog i telekomunikacionog sistema MUP-a TK. S tim u vezi, potrebno je, pored realizacije kapitalnih ulaganja predviđenih Budžetom TK za 2007. godinu, posebno istaći implementaciju projekta „Registracija motornih vozila“ u okviru CIPS-a, čime je uspostavljena baza podataka o registrovanim motornim vozilima na nivou MUP-a TK i omogućeno korištenje ove baze podataka policijskim stanicama u sastavu MUP-a TK.

Na nivou BiH su implementirani projekti SDH mreže i projekat VoIP kojim je obuhvaćen i MUP TK, a u toku je implementacija projekta potraga za vozilima na nivou FBiH.

Dovršena je implementacija projekta SPI do nivoa policijskih stanica, kao i projekat evidentiranja prekršajnih naloga u skladu sa novim Zakonom o bezbjednosti saobraćaja u BiH. U toku je realizacija druge faze evidentiranja prekršajnih naloga, kojom će biti obuhvaćeno umrežavanje opštinskih sudova za prekršaje na području cijelog Kantona.

JAVNO ŽALBENI BIRO

Javno žalbeni biro je osnovan Uredbom Vlade TK a funkcioniše u okviru MUP-a TK od 01.10.2003. godine. Biro je odgovoran za praćenje svih predstavki i žalbi dostavljenih MUP-u TK a koje se odnose na rad i postupanje službenika MUP-a TK. To prije svega podrazumijeva praćenje realizacije istraga koje provodi Jedinica za profesionalne standarde, uključujući i ponovne istrage u slučaju da Biro nije zadovoljan sa provedenom istragom Jedinice za profesionalne standarde MUP-a TK, kao i nadgledanje sistema neformalnog razrješenja po predstavljeni (žalbi) građana, te nadgledanje sankcija izrečenih od strane Prvostepene i Drugostepene disciplinske komisije i druga pitanja iz ove oblasti.

U toku 2007. godine Javno žalbenom birou je podneseno 329 predstavki, od kojih su 253 od strane građana, 53 od strane pripadnika MUP-a i 23 anonimne. Javno žalbeni biro je u toku izvještajnog perioda održao 59 radnih sastanaka.

Predstavke građana su razvrstane po problematici na koju se odnose:

- neprofesionalno ponašanje prilikom vršenja službene dužnosti i neljubazan odnos prema građanima – 113 predstavki;
- saobraćaj (uviđaji saobraćajnih nezgoda, izrada zapisnika saobraćajnih nezgoda, kontrola učesnika u saobraćaju, i dr.) – 56 predstavki;
- nepostupanje po prijavama građana – 31 predstavka;
- imovinsko-pravni odnosi – 22 predstavke;
- podnesene prekršajne prijave – 21 predstavka.

Predstavke od strane pripadnika MUP-a TK odnose se na neprofesionalno ponašanje službenika policije prilikom izvršavanja poslova i radnih zadataka, dok se anonimne predstavke odnose uglavnom na zloupotrebu službenog položaja i neprofesionalno ponašanje zaposlenih u MUP-u TK.

Javno žalbeni biro je sve predstavke razmotrio i proslijedio Jedinici za profesionalne standarde MUP-a TK u cilju provjere navoda iz dostavljenih predstavki. Jedinica za PS je nakon izvršenih provjera sačinila izvještaj o prikupljenim saznanjima. Nakon preliminarnih provjera Javno žalbeni biro je naložio provođenje istrage u 10 predmeta. Samo u jednom slučaju, JŽ Biro je dao saglasnost za produženje roka provođenja istrage kako bi se što kvalitetnije došlo do utvrđivanja činjenica i okončanja istražnog postupka po predstavljeni. Na zahtjev JŽ Biroa izvršena je dopuna za 6 izvještaja, nakon čega su isti prihvaćeni od strane JŽ Biroa.

Nakon razmatranja izvještaja o provedenim istragama od strane Jedinice za PS utvrđena je osnovanost za 39 predstavki, dok je 171 predstavka ocijenjena kao neosnovana, 69 je bilo bez dovoljno dokaza, 2 su neformalno razriješene a u 3 slučaja izrečene su oslobađajuće ocjene.

Kada se radi o osnovanim predstavkama, nakon provedenog postupka, utvrđeno je da se u 20 slučaja radi o teškim povredama službene dužnosti, od čega je u 14 slučaja pokrenuta inicijativa za pokretanje i vođenje disciplinskog postupka, za 3 teške povrede nastupila je zastara, a 3 predstavke se odnose na suspenziju. Lakšim povredama službene dužnosti okvalifikovano je 19 predstavki za koje su dostavljene inicijative za pokretanje i vođenje disciplinskih postupaka.

OCJENA STANJA BEZBJEDNOSTI

Shodno iznesenim pokazateljima stanja kriminaliteta, javnog reda i mira, bezbjednosti saobraćaja i drugih bezbjednosnih pokazatelja, kao i ostvarenim rezultatima ovog Ministarstva po svim segmentima rada, može se konstatovati da je u toku 2007. godine na području Tuzlanskog kantona došlo do određenog poboljšanja u oblasti sprečavanja i otkrivanja kriminaliteta, stanja javnog reda i mira, bezbjednosti povratnika u zonama povratka na području Tuzlanskog kantona, dok je u oblasti bezbjednosti saobraćaja došlo do pogoršanja sa aspekta nastradalih učesnika i brojnosti događana saobraćajnih nezgoda.

Prijedlozi mjera:

Shodno iznesenim pokazateljima stanja bezbjednosti na području Tuzlanskog kantona u toku 2007. godine po svim bezbjednosnim segmentima, a u cilju uspostavljanja još povoljnijeg bezbjednosnog ambijenta u narednom periodu, neophodno je preduzeti slijedeće mjere i aktivnosti:

1. U cilju efikasnije borbe protiv privrednog kriminala i korupcije potrebno je:
 - a. poboljšati efikasnost otkrivanja i dokumentovanja krivičnih djela protiv privrede i krivičnih djela korupcije kroz kantonalni Program borbe protiv organizovanog kriminala i korupcije.
 - b. na nivou Tuzlanskog kantona formirati antikorupcioni tim čiji će članovi biti predstavnici tužilaštva, policije i nevladinih organizacija. Ovaj tim će pratiti problematiku korupcije kako izvršne tako i zakonodavne vlasti na području Tuzlanskog kantona.
 - c. na nivou MUP-a TK otvoriti posebnu telefonsku liniju za primanje prijave iz oblasti korupcije i privrednog kriminala i uspostaviti efikasan sistem nadzora i kontrole mjera i radnji preduzetih u vezi sa podnešenim prijavama.
 - d. inicirati izmjene zakonske regulative u cilju adekvatnog usaglašavanja problematike korupcije sa međunarodnim konvencijama i preporukama, a posebno kada se radi o pravnom određenju krivičnih djela korupcije, oduzimanju protivpravno stečene imovine i njene blokade u toku istražnog postupka.
 - e. u cilju unapređenja saradnje sa građanima i stvaranja većeg povjerenja u institucije sistema, kontinuirano vršiti edukaciju građana o pojavnim oblicima korupcije i privrednog kriminala, načinima i postupcima efikasnog suzbijanja ovih negativnih društvenih pojava, a posebno uloži građana u cjelokupnom sistemu borbe protiv korupcije i privrednog kriminala. U tom pravcu, animirati sredstva javnog informisanja, organizovati javne debate, okrugle stolove, edukativne seminare itd.
2. Pojačati aktivnosti drugih relevantnih subjekata u cilju koordiniranog preventivnog djelovanja u borbi protiv bolesti ovisnosti, a te aktivnosti definisati kroz kantonalni Program borbe protiv bolesti ovisnosti i zloupotrebe opojnih sredstava, u čijoj će izradi i realizaciji biti uključeni pored MUP-a TK i: Ministarstvo obrazovanja, nauke, kulture i sporta, Ministarstvo zdravstva, Ministarstvo za rad i socijalna pitanja i dr.
3. U cilju suzbijanja maloljetničke delikvencije na području Tuzlanskog kantona angažovati sve relevantne faktore na kantonalnom i opštinskom nivou i njihove aktivnosti definisati kantonalnim Programom za suzbijanje maloljetničke delikvencije. Posebnu pažnju posvetiti preventivnom djelovanju u cilju odvratanja maloljetnih lica od činjenja nezakonitih radnji i drugih oblika društveno neprihvatljivog ponašanja. U ove aktivnosti moraju biti aktivno uključeni roditelji ili staratelji maloljetnih lica, ali i druge relevantne institucije kao što su: škole, sportske i kulturne organizacije, udruženja građana i dr. Ključna je stvar kreiranje specijalnih programskih sadržaja namijenjenih maloljetnoj populaciji sklonoj devijantnom ponašanju.

4. Aktivnosti Ministarstva usmjeriti na što dosljedniju implementaciju Zakona o osnovama bezbjednosti saobraćaja u BiH, Zakona o prekršajima FBiH kao i funkcionisanje Registra prekršaja u skladu sa Zakonom. S tim u vezi, uspostaviti funkcionalni informacijski sistem putem kojeg će se vršiti evidentiranje prekršajnih naloga i razmjena informacija između nadležnih subjekata za bezbjednost saobraćaja u skladu sa Zakonom (MUP, sudovi i dr.).
 - a. Preventivne i pojačane aktivnosti policije usmjeriti na smanjenje najtežih oblika prekršaja koji direktno ili indirektno utiču na događanje saobraćajnih nezgoda, kao što su: učešće u saobraćaju vozača pod dejstvom alkohola; brza vožnja; učešće u saobraćaju tehnički neispravnih vozila; učešće u saobraćaju neregistrovanih vozila; učešće u saobraćaju vozača bez položenog vozačkog ispita; insistirati na dosljednom poštivanju saobraćajnih propisa i postavljene saobraćajne signalizacije; sprovesti akcije umjerene na bezbjednost najmasovnije i najugroženije kategorije učesnika u saobraćaju (pješaci), a posebno djece i invalidnih lica, i dr.
 - b. Programom preventivnog djelovanja u oblasti sigurnosti saobraćaja na putevima Tuzlanskog kantona obuhvatiti segmente informisanja i edukacije građana o odredbama nove Zakonske regulative, provođenje kampanja iz oblasti saobraćaja na lokalnom, kantonalnom i državnom nivou.
 - c. U cilju unapređenja ukupnog stanja bezbjednosti saobraćaja na putevima Tuzlanskog kantona, insistirati na aktivnom i koordiniranom učešću svih relevantnih subjekata sa područja Kantona u čijoj nadležnosti je problematika bezbjednosti saobraćaja, a posebno Ministarstva obrazovanja, nauke, kulture i sporta, Ministarstva turizma, trgovine i saobraćaja, službi za komunalne poslove i dr.
 - d. Na nivou Tuzlanskog kantona obrazovati Komisiju za unapređenje bezbjednosti saobraćaja u skladu sa Zakonom.
 - e. Donijeti Program mjera i aktivnosti za dugoročno unapređenje stanja bezbjednosti na putevima Tuzlanskog kantona.
 - f. Inicirati aktivnosti na izradi Strategije za unapređenje bezbjednosti saobraćaja na nivou Bosne i Hercegovine.
5. Inicirati koordinirane aktivnosti svih relevantnih faktora u cilju izrade kantonalne strategiju za sprečavanje nasilja u porodici.
6. Nastaviti i dalje unapređivati saradnju sa svim agencijama za provođenje zakona kako na kantonalnom, tako i na entitetskom i državnom nivou, te saradnje sa svim drugim relevantnim subjektima po pitanjima iz djelokruga rada Ministarstva kao i po pitanjima koja se tiču rada dva ili više relevantnih subjekata. U saradnji sa Ministarstvom sigurnosti BiH raditi na sprovođenju Strategije Bosne i Hercegovine za borbu protiv organizovanog kriminala i korupcije i Strategije Bosne i Hercegovine za borbu protiv terorizma na području Tuzlanskog kantona.
7. Unapređivati saradnju službenika Ministarstva sa građanima u cilju jačanja međusobnog povjerenja i efikasnijeg zajedničkog suprostavljanja negativnim pojavama u društvu.

MINISTAR
Dr. Sead Omerbegović